

D w l
18

66688

10847/p

DISSERTATIO INAUGURALIS

ANATOMICO-PHYSIOLOGICA

DE

HEPATE

QUAM

SUB

DIVINI NUMINIS AUSPICIIS

EX

CONSENSU FACULTATIS MEDICÆ

PRO LICENTIA

SUMMOS IN ARTE MEDICA HONORES

ATQUE PRIVILEGIA DOCTORALIA

RITE CAPESSENDI

IN

UNIVERSITATE ARGENTORATENSIS

DIE XVIII. MAJI A. MDCCCLXXV.

SOLENNI ERUDITORUM EXAMINI SUBJICIT

NESTOR MAXIMOWITSCH

AMBODICK

UKRANO-RUSSUS


H. L. Q. C.

ARGENTORATI,

Typis JOH. HENRICI HEITZII, Universitatis Typographi.

Linquamus aliquid, ut nos vixisse testemur

PLIN. jun.



ÆTERNÆ MEMORIÆ
CELSISSIMÆ PRINCIPIS
CATHARINÆ
DEMETRII CANTEMIRII
OLDAVIÆ PRINCIPIS FILIÆ
CELSISSIMI PRINCIPIS
DEMETRII MICHAELIS FILII
GALLICINII
AUGUSTISSIMÆ RUSSORUM
IMPERATRICIS
CATHARINÆ II.
AD AULAM VINDOBONENSEM LEGATI
CONJUGIS INCOMPARABILIS
ANTE HOS QUATUORDECIM ANNOS
DIVIS ADSCRIPTÆ

QUOD PATERNARUM VIRTUTUM
ET GLORIÆ ÆMULA
MUSAS ET PATRIAM
IMMORTALI BENEFICIO

SIBI DEVINXIT

R U S S I C A P A L L A S
MUSARUM ET CHARITUM
CULTRIX AMICA PATRONA
PAGELLAS HAS

STUDIORUM ACADEMICORUM PRIMITIAS

SACRAS ESSE CUPIT

GALLICINIANÆ MUNIFICENTIÆ

GRATUS ALUMNUS

NESTOR MAXIMOWITSCH AMBODICK

PROLOGUS.

Specimen academicum pro more in lucem editurus, dum in argumento seligendo versarer, vastissimus sane morborum, atque e triplici naturæ regno medicaminum mihi sese obtulit campus; qui tam late patet, tantaque subjectorum multitudine amœnitateque contemplantium oculos animosque distrahit, ut mirandum non sit, primos eum ingressos veteres, a recta sæpius aberrasse via. Ex infinita autem rerum dicendarum copia, eam præprimis seligendam duxi materiam, quæ tantum in commune conferret commodum, quantum ex juvenili musa expectari possit. Præcipue itaque mihi arrisit Jecur: viscus, nimirum, cujus sive nobilitatem, dignitatemque; sive utilitatem ac necessitatem consideres: reperies certe, quo sese illud præprimis perscrutandum, examinandumve commendet. Viscus, in cujus licet naturam tanti in scientia anatomica viri, toties, & summo cum studio ad detegendam absolvendamve ejus structuram reiteratis vicibus inquisiverint: ut fere tæduisset, ulteriori ejusdem tam clare atque distincte descriptæ fabricæ inquirendæ tempus terere; si ignorarem, quam in physicis perutile sit, trita & vel centies facta experimenta sine tædio repetere; & quantum a recto aberrant, qui arroganti animo interdum in iisdem persistere vitio vertunt, minime considerantes, quantæ sint naturæ in iisdem rebus aliorum adhuc scrutinio reservatæ divitiæ. Etenim in hisce, ut cl. cujusdam viri verbis utar, non inutilem timeat improbumque laborem diligens naturæ perscrutator; nunquam enim, nisi doctior ex misteriis ejusdem redibit. Mihi itaque, qui interpretem qualemcunque hujus materiæ agere volui, illa licet felicitas non fuerit, ut in omnia penitus inquirere potuerim, gavisus tamen maximopere sum, quod in materia tam nobili juveniles ingenii vires periclitari mihi datum fuerit; spe plenus, nec ingratham, nec inutilem orbi eru-

dito, præsertim qui anatomes subtilioris deliciis capiuntur, meam opellam fore, maxime quum non omnia, quæ crambem coctam appellant, tractet, sed illa præcipue, quæ & attentionem curiosorum merentur, & nova scientiæ nobilissimæ incrementa addent. Mei hic instituti verbo reddere rationem non e re fore alienum putavi. Tentavi nempe hacce dissertatione, quæ hanc circa rem a me tam publice quam privatim audita, lecta atque propria experientia comprobata fuere, in unum colligere connectereque. In regnum hypothesis & conjecturarum haud descendi. Veritatem proposui, quæ hisce oculis vidi, lustravi, examinavi. Argumenta eandem firmiter evincentia ad sanæ rationis æquilibrium trutinavi. Scripta præcipuorum nostri ævi Anatomicorum, qui in hacce nostra desudarunt palestra, quantum in me virium erat, legi, collegi, recensui. Methodum in pertractanda hacce materia talem sequutus sum. Præmissis præmittendis, dixi de Hepatis involucris, interposita brevi ligamentorum historia. Miram hujus visceris, mere vasculosam, structuram interiorem, ob oculos posui. Anastomosis vasorum, circulumque sanguinis per Hepar demonstravi. Usus Hepatis physiologicum paucis explicui; veterum de eo ænigmata vix attingens. Denique, coronidis loco, inde deducta nonnulla corollaria pathologica subjunxi. Ingenue vero fateor, singulis his pro virili pertractandis qualemcunque operam meam haud suffecisse. Rationem hujus defectus, scias, non mihi animum fuisse integrum conscribendi volumen. Cæterum apud justos rerum

Amatores id facile sum consequuturus, ut primas hasce meorum conaminum lævidenses pagellas æqui bonique consulant, nec ut putidum fungum considerent: qui norunt, tali operi penitus exhauriendo, ne canam quidem plurimorum experientiam suffecisse. Aliis, qui censorum vices agere velint, nil habeo quod dicam, nisi tritum illud occinam:

Fallere turpe, errare humanum est.





§. I.



Hepar est organorum imi ventris vastissimum; amplissimum, ponderosissimum, cujus situs *a*), moles *b*), pondus *c*), numerus *d*), color *e*), figura *f*), lobi *g*), reliqua *h*), aliunde patent. Nostri propositi est, rem ipsam ab Hepatis fabrica auspicari, & quidem primo ab ejusdem involucris, quæ omnino privi quid ac scitu maxime

A

a) Hepar abdominis partem superiorem dextram costis & diaphragmate definitam occupat. ad sinistra eo magis se extendit, quo homo suæ origini est propior.

1) In fetu MOTH. ad WORM. p. 575. MARCHETT. *Biblioth.* p. 255. FABRIC. *de format. fet.* p. 23. RIOLAN. p. 411.

2) In recens nato VERDIER II. p. 933. RIOLAN. l. c.

3) Inadulto VESAL. L. V. f. 2. 6. 12. 20. 22. 25. p. 504. 618. EUST. tab. IX. X. XI. f. 2. 4. WINSLOW *tract. abd.* n. 251. 270. 272. COWPER t. 39. f. 5. HALLER. *Elem. phys.* T. VI. p. 458. 459.

b) In fetu æque ac adulto major est hepatis ad reliquum corpus ra-

tio, quæ perpetuo diminuitur, prouti homo incrementa capit. GALEN. *util. part.* L. XV. c. 6. SAUVAGES *Embryol.* p. 11.

c) Pondus hepatis variat, prouti hominis ætas, robur, vitæ genus, cetera tulerint; nam in hominibus quietis & laute pastis, nec non in ægris quibusdam, majus est, quam in iis, qui vitam exercitatum agunt. SAUVAGES nosol I. p. 449. cl. SPIELMANN *Chem.* pag. 204. STORCK *anim.* II. p. 261. HALLER p. 455.

d) Duo hepata fuisse ARISTOT. *hist. anim.* I. III. c. 7. MORGAGN. *sed. caus. morb.* XLVIII. 55. HALLER l. c. p. 456.

e) Observatio coloris levis quidem nonnullis videtur esse mo-

necessarii comprehendunt. Horum itaque curtam descriptionem his habeto.

§. II.

Involucra Hepatis duo sunt: extimum omnibus abdominalibus visceribus commune; & intimum soli nostro organo proprium. Utrumque exactissime Hepar undique cingit, includit, terminat. Extimura undique est læve, simplex, tenue, satis nihilominus firmum, solidumque; ortum suum trahens ab illa abdominis tunica, quam communiter peritonæum salutant *a*), ejusdemque naturæ est, pariter album, vasculis pictum minutissimis, absque fibris conspicuis. Peritonæum enim, postquam septo transverso undique prospexit, variis ibi in locis, replicatis suis laminis, inferius descendit, in gibbam Hepatis superficiem continuatur, & ita varia ligamenta efformat, unum versus marginem cuiusvis lobi, & unum in medio situm. Dextrum, sinistrum, & medium *b*). Medium, inconcinne ligamentum suspensorium dictum, prægrande & latum, a duplici peritonæi lamina sibi invicem incumbenti, absque ulla interposita cellulosa tela *c*) efformatur. Superius juxta longitudinem partis su-

menti; quæ tamen sola diuturnum plurium seculorum, quem multi errarunt, errorem funditus evertit. Is homini adulto ruber est cum admista flavedine; WINSLOW n. 251 quæ in morbis diuturnis augetur, & non raro sola regnat HALLER p. 464.

f) Figura hepatis haud verbis describi potest. Eam vide ex VESAL. l. c. EUSTACH. l. c. CHESELD. t. XXI. XX. JENTY t. 1. 3. WINSLOW n. 252. HALLER l. c. *g*) Conf. VESAL. f. 12. 18. 20. CHESELD. f. 22. EUSTACH. T. XI. f. 3. WINSLOW n. 253, HALLER p. 471. 472.

h) Depressiones atque sulci vid. ap. VESAL. L. V. f. 12. 22. 25. p. 628. CHESELD. t. 22. 34. DRAKE t. 2. FABRIC. l. c. f. 20. EUSTACH. t. 11. f. 4. X. f. 2. 4. XI. f. 3. WINSLOW n. 257. 260. & 297. HALLER p. 467. 471.

a) WINSLOW l. c. n. 284.

b) Idem n. 261.

c) Inter duplicaturam laminarum hujus aliorumque hepatis ligamentorum textum cellulosum intercedere, in quo vasa sanguifera & lymphatica repunt, cujusque species laminæ in hepar penetrare, WINSLOW ibid.



terioris & internæ musculi recti lateris dextri abdominis, at oblique annectitur, ita ut inferius propius lineam albam, quam superius existat *d*). Inferius in gibba Hepatis parte, ubi ad ipsum Venæ Cavæ transitum in magnam scissuram seu sulcum transversum pervenit, inde ex utraque parte laminis utriusque lateris sibi invicem occurrit, atque ita duplex inter eminentias, quæ Portæ dicuntur, ad ipsum Hepar descendit, antrorsum latefcit, lobumque majorem dextrum a minori sinistro dividit. Hujus ligamenti margini imo anteriori sese associat funiculus quidam albus, crassus, in duplicaturam laminarum prioris sese immittens, ligamenti rotundi sive teretis nomine. Incipit ab umbilico, extenditurque ad sinum Portarum usque. Funiculus hicce in Fetu vena est, umbilicalis dicta, plurimum sanguinem in Hepar adducens; quæ vero, Fetu in lucem edito, ligata, successu temporis con- crescit, fereque in totum evanida, in verum ligamentum abit, fibrosum aliquid, multumque adipem continens *e*). Fit inde, ut hocce ligamentum medium, inferius falcem re- præsentet, quæ in margine convexo scindens, & in altero rotunda existat *f*). Ligamentum sinistrum ab eadem pro- venit membrana ac prius. In extremam sinistram, & quidem gibbam lobi minoris partem, & non raro in ejusdem margi- nem sese immittit *g*). In junioribus frequentius est œsopha-

A 2

d) WINSLOW n. 262. 263. Idem crassius & sinistrorsum di- stractum fuisse MORGAGN. l. c. XXXVI. 25.

e) Funiculum umbilicalem, pe- ritonæo non contineri, minus be- ne statuit HENSING periton. 13. 14. Inter dextram sinistramve la- minam, & per foramen peritonæi insulcum sibi paratum horizonta- lem, qui, non raro tubulus est, se demergere HALLER l. c. p. 480. Post partum quando de funiculo

fetus solutus est, plerumque ina- nitum claudi, ex compressione musculorum abdominis contra grande hepar & contra diaphragma se contrahentium intercepta; nec non a contractione septi transversi costarumque ad invicem accessio- ne; juga hepatica ad se mutuo adprimente elidi. inaniri, excæ- cari, & abire in ligamenti speciem HALLER. ex TISON. p. 31. ibid.

f) WINSLOW n. 267.

g) DESMOGRAPH. p. 140.



go sinisterius, in adultis dexterius, semper gulæ & lieni conjunctum, quando grandius est Hepar *h*). Duplex interdum reperitur, & medium versus procedit *i*). Ligamentum dextrum maxime irregulare est *k*). Crassissimum Hepatis lobum imo in loco diaphragmati, quandoque etiam cartilaginibus costarum spuriarum *l*) annectit. Multiplex interdum versus mediam extremitatis hujus lobi partem reperitur. Præter hæc modo recensita ligamenta, peritonæum a rene dextro versus Hepar progrediens, plicam efficit vinculi facie *m*). Eadem hæcce membrana in fossa transversa & in fossa ductus venosi secedens facit omentum minus *n*); nec non continuas illas, laxas mesocoli propagines, quæ Hepar cum ventriculo, duodeno, colo. atque pancreate conjungunt *o*). Ut silentio jam præteream ligamentum illud Hepatis coronarium *p*) dictum. Ita per hæcce ligamenta magnum Hepatis volumen in corpore firmatur, ne nimis huic illuc vagetur agiteturque, cum certa quadam stabilitate; ut tamen multa eidem supersit mobilitas, & cum septo transverso ascendere atque descendere valeat *q*). Horum vero singulorum ligamentorum

h) HALLER *prim. lin.* §. 689.

i) WINSLOW n. 262.

k) DESMOGR. l. c.

l) WINSLOW n. 262.

m) HALLER l. c.

n) Idem T. VI. p. 511.

o) Idem *prim. lin.* §. 689.

p) Ligamentum hepatis coronarium inconcinne ita appellatur; nam primo ligamentum non est. Secundo est modo adhæsiō non rotunda, aut circularis, sed ovalis, lata, & admodum oblonga. Non in parte convexitatis hepatis superiore, sed juxta longitudinem partis posterioris lobi majoris reperitur, ita ut lata hujus adhæsiōnis extremitas proxime incisuram sit, & altera, quæ acuminata est, hy-

pochondrium dextrum respiciat. Hacce mediante adhæsiōne, absque membranæ peritonæi interventu, intercedente modo subtili cellulosa tela, major hepatis lobus septo transverso, & quidem alæ dextræ ipsius portionis tendineæ adnectitur. In senibus præcipue firmitus adhæret; in fetibus autem facile separatur. WINSLOW n. 264. 265. 266. Suspensorium inter & sinistrum ligamentum, continuam pariter peritonæi productionem intercedere, ligamenti similem HALLER l. c.

q) Nullum recensitorum ligamentorum ad hepar suspendendum, prouti quidam volunt, contribuere credas. A ventriculo enim



laminæ membranaceæ, peritonæi continuationes, productionesque, e diversis modo indicatis locis provenientes, elongatæ, diductæ, atque expansæ, omnem extimum Hepatis habitum accurate obducunt atque involvunt *r*), membranamque hujus visceris communem constituere juvant.

§. III.

De communi illo Hepatis involucro nullus Anatomicorum hucusque dubitavit. Ast de altero non omnes omnino ejusdem sententiæ sunt Auctores. Ill. HALLER *a*) alteram Hepatis membranam cellulofam vocat. WINSLOW autem *b*), mutatis modo verbis, idem adnotare videtur. LOQUET *c*) eandem ipsam tunicam vasculofam appellat. Alios *d*) hacce de re citare superfluum foret. In re vero tam dubia, cum nemi-

A 3

& toto intestinorum tractu, præcipue quando ea repleta sunt, hocce viscus sustentatur, & quasi fulcitur. WINSL. n. 268. 269.

r) Eadem ipsa communis hepatis membrana, ubi ad fossam ovalem pervenit, super vesiculam felleis sese conjicit, eamque undique includit; in ipsius autem fossæ fundo, sub vesicula felleis, membrana hepatis extima nulla est. HALLER p. 511.

a) T. VI. p. 511. De interiori facie membranæ extimæ, quæ viscus ipsum respicit, cellulosa tela undique efflorescit, ex communi peritonæi natura, tenera, macilentia, brevis, in qua vascula illa superficialia, hepatis rete facientia, in superficiem hepatis emergunt, perque eam sub externa membrana conspicua ludunt, carne hepatis perforata, reteque faciunt, quo hepar ab omnibus aliis visceribus

distinguitur, & cujus ope membrana extima hepatis adhæret. Sed intervalla sunt in hepate reticulata, subcærulea, in quibus rimæ quædam hepar dividunt, & cellulosa tela profundius se de extima tunica in viscus demergit.

b) l. c. n. 284. Substantia hepatis membranaceo adhuc seu filato texto obsita est, quod ramusculos & extremitates omnium vasorum invicem alligat, quodque capsulæ venæ portæ, & membranæ externæ hepatis productio admodum multiplicata esse videtur.

c) n. 11. Externam tunicam a peritonæo esse exsanguem; internam vasculofam, in qua sunt lymphatica.

d) conf. MORGAGN. *sed. mor.* l. n. 21. *advers. anat.* III. p. 39. RUYSCH. Ep. V. p. 19. 21. Th. X. N. 131, 181, tab. 3. f. 5.

nem hucusque noverim, qui peculiarem hancce Hepatis membranam ex professo descripserit, existentiam ejusdem, sequenti, a nobis multoties instituto, experimento probamus. Injectio materiæ subtilis per vasa hepatica, viscere nimirum bene constituto, non morbofo, facile ex vasis majoribus in minora, in superficie ejusdem ludentia, penetravit ita, ut amœnissimo spectaculo, præprimis in convexa Hepatis facie, visui sese obtulerint vascula lymphatica per facili negotio a reliquis distinguenda: tum materie injecta hinc inde in suo, de Hepatis substantia, egressu, tincta; tum aëre & aqua, ubi hocce viscus diutius detinebatur, turgida. Imo, quod materia resinosa, idem non raro vel solus aer, per tubum in magnum aliquod Hepatis vas adactus, præstat; quo vasa lymphatica distenduntur, elevantur, atque evidenter duas inter lamellas ludentia se produnt. Quid quod vel sola extimæ tunicæ pelluciditas, scalpellum Anatomicum, nec non simplex hujus visceris maceratio in aqua, prouti ex inferius dicendis patebit, eadem vascula clare demonstrant; maceratione enim per certum tempus instituta, extimum Hepatis involucrum, præcipue in magna ejus convexitate facillime vel digitorum ope separatur; quo autem ablato, aliud sub secedentibus peritonæi laminis involucrum sese offert, ægre in aliis Hepatis regionibus videndum, neque ita prompte a prioris membranæ productionibus separandum. Externa hujus tunicæ superficies admodum lævis atque polita est; interna autem inæqualis, ex quam plurimis foliolis membranaceis admodum subtilibus constans, inter quæ magnus lymphaticorum vasorum numerus, tam in convexitate, quam in concavitate Hepatis distinctissime detegitur e). Involutri extimi laminæ ab utraque parte lymphaticorum illorum vasculorum, quæ huic involucro prospiciunt, sat magna in distantia undique separantur, eodem fere modo, ac de Liene f) probatum legimus. Duplex itaque omnino Hepati

e) WINSLOW n. 285.

f) BUSCH diss. de lien. Arg. 1774

involucrum natura concessit, longe firmitus solidiusque, quam quo vicini Lienis caro amicta est. Utrunque ubi trunci vasa majorum in Hepatis substantiam intrant, eadem hæc vasa comitatur ad ultimos usque eorundem fines. Proprium præcipue involucrum immediate Hepatis substantiæ circumpositum, non modo hocce viscus intime undique circumvestit & includit, sed etiam in interiorem ejusdem fabricam plurima emittit filamenta laminulasque, quæ tenerrimos vasorum vasculorumque Acinos, ne parietes ipsorum concidant, neve sic libero sanguinis circulo obstant, cum membrana ipsa firmant, ligant, nectunt g). Inde omnino roboris quid tenacitatisque vasis hepaticis arteriosis æque ac venosis accedere probabile est, quibus in recipienda insigni sanguinis copia, & sustinendo aucto ejusdem fluenti impetu, necessario egebant. Num autem hæc eadem filamenta laminulaeque meris ex vasculis constent? Num ab uno involucri hujus puncto ad alterum continuo tendant? Nullus unquam mortalium eo felicitatis pervenit, ut subtilissima quoque adhibita injectione, eadem demonstrare valeret.

§ IV.

Intimæ illi Hepatis membranæ, vasa comitanti, accedit adhuc alia, a Capsula Glissoniana proveniens a). De hac ergo quædam præmittere lubet, antequam de interiori Hepatis structura agam. Ab hypothesebus incipiam, rem dein evictam proponam. Capsula hæc a GLISSONIO auctore Anglo, qui primus eandem specialiter descripsit b), temere denominatur; quum ante ejus jam tempora pluribus c) haud

g) Eadem laminulae, nullas effusioni sanguinis adaptatas cellulas uti SWAMMERDAM, RUY-SCHIUS, aliique putarunt, efformant

a) LIEUTAUD *Essais anat.* p. 309

b) *Anat. hep.* Hag. Com. 1681.

c) JOH. WALEUS, GLISSONIO

paulo prior, ejus capsulae meminit in *hist. an.* 1640. Cum SPIGELIO p. 84. an. 1642 licet liber demum an. 1654. prodiit *anat. hep.* c. 28. p. 206. PLEQUETUS, WALÆO posterior, GLISSONIO antiquior. *de de sang. & bil. mot.* c. 2. f. 32. qui liber prodiit 1650.



ignota fuerit. Multi multa de eadem prædicarunt absurda. Nempe, vaginam arteriosæ tunicæ proximam esse GLISSONIUS *d)* pronunciavit; debiliorem tamen, factam ex fibris carneis intricatis, Venæ Portarum, ejusque ramis, ramusculisve in ipso Hepate circumpositam *e)*; vi pollere contractili *f)*; ad cordis similitudinem pulsare, nihilo debilius, quam ipsa Aorta *g)*; alternis vicibus laxari & adstringi *h)*; robur habere ad fine arterioso, bilemque propellere *i)*. Hisce principiis nixi, nonnulli *k)*, eam Venæ Portarum partem, quam improprie sinum appellant, cor abdominale dixerunt, sanguinis iter, alias lentissimum futurum, per universum Hepar promovens. Talia vel recitasse, refutasse est. Nihilominus tamen hypotheseos hujusce tantus semper fuit vigor, ut vel nostro sæculo eadem suos nacta sit patronos *l)*, qui eandem defendere non dubitarunt; usque dum denique in totum refutata *m)* concidit. Primus, ni fallor, FONTANUS *n)* dein AUG. FRID. WALTHER *o)* naturam hujus Capsulæ cellulosam esse probarunt. Hos denique plures alii, ipseque

III.

d) l. c. p. 257. 306.

e) Idem l. c. *Wainewrigeh of the livre* p. 46.

f) Musculum esse BELLIN. p. 30.

g) LISTER *hum.* p. 253. Non tamen eo pleno robore GLISSON. p. 387. NEEDHAM *format. fet. c.* 5. pene pulsare SALZMANN *ven. port.* n. 6.

h) Constringi a plexibus fibrosis STAHL. *obstruct.* n. 35.

i) DU VERNAY II. p. 236.

k) NEEDHAM l. c. BOERHAAVE *prælect.* T. III. p. 115. LIEUTAUD p. 301.

l) In cocta capsula fibras apparere POZZI p. 17. 70.

m) Pulsationem impugnavit RE-

VERHORST *circul. bil.* p. 13. ad arterias retulit WINSLOW n. 283. De musculo robore dubitavit G. COWPER ad BIDLOO t. 75. Arteriæ munus removit SCHELHAMMER *analect. aut.* Fibras carneas negavit *physiol.* p. 206. Fabricam non arteriosam, pulsationisque defectum demonstravit STAHL *ven. port. mal.* p. 9. MORGAN. *advers.* III. p. 48.

n) *Anat.* p. 109. ed. 1711.

o) *De ven. portar. progr.* I. Ad omentum refert HENSING *de periton.* n. 46. Non penitus recte. Nam fila vera cellulosa sunt, etiam ubi nullum omentum est, circa venam umbilicalem, inque sulco vesiculæ fellis HALLER l. c. p. 495.



III. HALLER *p*) secutus est. Capsula enim illa nihil aliud est, quam cellulosa tela, systema Venæ Portarum undique circumvestiens atque includens; ortumque ducens a mesenterio, omento minori, nec non externa Hepatis membrana; ac denique omni genere vasorum picta, nervisque *q*) percursa; quæ omnia inter se invicem texti cellulosi ope ligata, nexa, unita, eandem membranam constituere, juvant, quæ omnes ramos Venæ Portarum, arteriarum, nec non ductuum biliariorum hepaticorum, nervosque, per Hepar comitatur, ad minimas usque extremitates *s*). Hinc fit, ut vasa Hepatis hisce involucris munita, peculiare inde robur acquirant, parietesque eorum multo firmiores ac robustiores evadant, ita ut rami Venæ Portarum transversim dissecti non perinde concidant *t*), & complicantur, prouti cum aliis venis fieri solet: sed arteriosa cum firmitate se sustineant, semperque sua lumina hiantia s. circularia servant. Inde etiam substantia Hepatis plane diversa est ab illa Lienis.

§. V.

Interiorem Hepatis fabricam vasa multifarii generis constituunt uberrima. In his pertractandis, ut ordinem servemus dicendorum; operam dabimus, succinctam prius tradere historiam, quam ab omni retro ævo Auctores de Hepatis vasis, ejusque structura interiori reliquerint. Horum plurimi in dissectione animalium præprimis occupati, structuram eorundem ad corpus humanum applicarunt, & neglecta Hepatis humani anatome, meras de eo hypotheses finxerunt,

B

p) *Comment. in BOERH. T. III. 1741.*

q) GUNZ *de hepat. p. 7.* WINSLOW n. 282. VIEUSSENS. obs. p. 133. 158. 157. GLISSON. n. 316. HALLER T. VI. p. 493. 494.

r) Capsulam Glissonianam telam esse vasorum lymphaticorum, &

organum secretorium bilis, quidam volunt. Vera autem fila cellulosa cava esse nemo hactenus demonstravit. idem p. 493.

s) VIEUSSENS. n. 134.

t) Sustineri HALLER p. 493. Collabi WINSLOW n. 281.

atque adeo non mirum, si a vero longissime aberrarint; hinc præcipuas modo eorundem sententias, quæ per plura secula durarunt, enumerare sufficiat. Hepar ex mero parenchymate constare uno ore asseruit antiquitas *a*). Alii idem e fibris musculosis *b*), ramisque vasorum componi: hæc autem in cellulas ordinata *c*) atque disposita esse, ut sanguinem effusum in suum parenchyma recipiant *d*), dicebant. Nullas tales fibras musculosas in Hepate humano adesse, anatome docet, nisi rarissimam illam, perque teneram cellulosam pro fibris habere velis, quæ alio munere vix fungi videtur, quam ut vasorum fasciculos investiat, liget, secumque invicem nectat. Nonnulli falso institutis experimentis hancce theoriam probare annisi sunt. Ea vero, quam infirmo nitatur talo, jam diu evictum est. Et facile experimentum eandem destruit. Nimirum, aëre, aut alio quovis fluido violentius in Hepatis substantiam adacto, fiuntur ac dilacerantur vasa, in quorum interstitia fluidum effusum nonnullas cellularum species efformare videtur. Imo vel sola Hepatis maceratio in simplici aqua idem illustrat, ubi tale viscus diutius detentum, maceratum, deque suo sanguine elotum, tenerrima vasorum filamenta lanugini similia sistit, quæ cellulosum textum eximie mentitur; quam vero vel sola inspectio anatomica tenerrima vascula, miro modo distributa esse probat. Idem quoque evidenter evincunt, quæ inferius dicentur, mutux arteriarum venarumque anatomoses, ubi materia subtilis per arterias injecta facile exinde

a) ORIBAS. p. 114.

b) Conf. n. IV. not. *f*).

c) Venam portarum in cellulas membranaceas abire VIEUSSENS. p. 120. Et vaginam GLISSONII in cellulas desinere RAV ap. VALENTIN. p. 92.

d) ERYSTRATES illud arteriis venisque interjectum esse credide-

rat. Vid. GALEN *de nat. hum. & anat. adminstr.* L. VI. add. VESAL. *de C. H. fabrica* L. V. c. IX. p. 512. HIGHMOR. *disquisit. anat.* L. I. part. III. c. III. GLISSON. p. 522. seq. COWPER *anat. C. H.* T. 36. f. 4. LIEUTAUD *Essais anat.* p. 310.



in venas absque ulla effusione transiit. Omnia hæc clare demonstrant, nullum in Hepate parenchyma adesse, in quod sanguis effusus recipiatur *e*). Alii hepar ex glandulis *f*) constare docuerunt. Ut reliqua *g*) jam taceam.

§. VI.

MARC. MALPIGHIIUS pro more suo, & ex ea lege, quam universo corpori humano præscripserat, effectas illas luxuriantis ingenii humani hypothesen veterum, magis adhuc adornavit. Hicce non contentus fibris carneis, quas in cellulis Lienis *a*) posuit; quum in Hepate rotunda quædam tubercula videret, secretionemque peragi nosset; cavis adhuc folliculis s. glandulis simplicibus, racematim per cellulas dispositis Hepar constare *b*) docuit; inque hosce folliculos arterias primum liquorem deponere, quem dein inde per ductus excretorios in cellulas *c*) exonerari asseruit. Ut autem eo melius hancce suam adstrueret theoriam, in morbis refugia quæsiuit, perque hos folliculorum cavitatem demonstrare annisus est. Hancce ejus sententiam etiam alii plures *d*) confirmare videntur, habentes Acinos hepaticos pro glandulis simplicibus, in quas liquor ab arteria, aut a Vena Portarum depositus, Ductum Choledochum offenderet pro excretorio

B 2

e) MARHER prælect. in BOERH. instit. p. 431. BOERH. prælect. §. 320. p. 58. Duplicem esse finem arteriarum, quorum unus in cellulas, alter in venas sit.

f) Conf. HALLER. l. c. p. 517. 518.

g) Hepar acinis, lobulis, nodulis arterias inter & ductus interceptis, cryptis &c. constare, veteres, & recentiores quidam voluerunt.

a) Opp. p. 104. seq. c. II. III. IV. V.

b) Posthum. p. 30. 32. Gland.

dulas meros esse lobulos. *de hepat.* p. 61. Acinos fieri glandulis simplicibus in racemum collectis, quem propria membrana obvolvat, eosque cavos esse. *Fabr. gland. conglob.* p. 6. Arterias quoque eas glandulas adire, magna præterea anastomosi majores ramos cum vena quibusdam in locis jungi, quocelerius maxima pars sanguinis in venas transire posset. Hæc vero, quam a vero aliena sint; quis non videt.

c) Ibid. p. 43.

d) Cf. HALL, l. c. p. 515. 516.

canali. Quid quod ipse RUYSCHIU *e*) adhuc junior, cellulas glandulasve, prouti in aliis visceribus, ita quoque in Liene admisit; quam vero suam opinionem dein, post sedulo instituta experimenta, observationesque, mutavit, ac glandulas in Hepate adesse *f*) negavit. Et facile experimentum eandem theoriam destruit. Nimirum, materia subtilis per Venam Portarum, aut per Arteriam Hepaticam injecta, facile inde in Acinos Hepaticos transit. Si itaque hasce inter vasorum extremitates interpositi fuissent folliculi cavi; necessario sequitur, materiam injectam in eorum cavitates se effusuram, glandulam noduli instar tumefacturam, nec prius in vasa biliaria transituram, quam folliculum tali viæ præpositum distendisset *g*). Nullas autem unquam cavitates atque tales glandulas in Hepate deprehensas fuisse *h*), nequaquam mireris; Hepate enim diu macerato, vasa teneriora elota sola apparent, absque ullis folliculis cavis; exsiccata vero sese crispando glandularum species *i*) sistunt. Quod hydatides, ad quas maxime recurrit MALPIGHIUS, attinet; hæ non in glandulis, sed in cellulosa fabrica reperiuntur, unde & vascula habent, & plures membranas, & aliæ alias continent *k*). Denique varios nodulos, ad quos novum quæsitum refugium MALPIGHIUS, variaque concrementa: ad statum morbosum pertinere, aque sola constitutione morbosa, non autem a glandulosa Hepatis fabrica *l*) pendere, evictum est. Eorum ortum haud ita obscurum esse, vel sola ratio suadet. Fiunt enim

e) Cent. obs. med. chir. n. 15. mus. rar. thes. 13. reposit. n. 15.

f) Thes. I. aff. II. N. 7. n. 1. Thes. II. aff. III. N. 1. Thes. III. N. 3. n. 2. Thes. VI. N. 108. Thes. VII. N. 4. n. 1. Th. IX. N. 59. Thes. X. N. 77. Thes. max. N. 86. 98. Molles quidem propagines, glandulas quidem æmulari, distinguere vero ab illis, quod nulla peculiari membrana obductæ sint, & in aqua explicentur in mera vasa.

g) Conf. HALLER l. c. Idem L. VII. p. 386. 390. 391. 447. & T. VI. p. 518. 519.

h) RUYSCH. l. c.

i) ELLER de lien. prop. IX.

k) VIEUSSENS. p. 139. LIEU-
TAUD p. 30.

l) RUYSCH. de fabr. gland. p. 59. 77. Thes. VI. N. 11. n. 1. N. 104. not. Adv. Dec. II. p. 24. Ep. XII. p. 22.



talia, ubi materies heterogenea per parietes vasorum exsudat, aut ab arteriis nutritium liquorem exhalantibus eo depositur *m*); unde sensim sensimque in majorem molem collecta, tunicas talium vasorum multum dilatat, infarcit, variove nodulos lapideos efformat. Si tale morbosum Hepar subtiliori, eaque colorata materie repletur; corpuscula illa proprio trunculo arterioso quasi pedunculo instructa evidenter apparent; quæ maceratione in aqua, in filamenta, membranulas, Acinosve abeunt, quorum parietes jam tum coalescere coeperunt, dum obstructo trunco, nullo liquido amplius sustentari poterant, aut a pressione collateralis vasorum elisa concreverant.

§. VII.

Citati hucusque Auctores vix non omnes, quædam in expositis theoriis pro lubitu suo mutarunt, addiderunt, adornarunt, quibus recensendis immorari superfluum esse duco. RUYSCHIIUS continuus conjecturarum osor sane certiora verioraque *a* docuit. Primus ille rite ostendit, Hepar humanum e pluribus vasorum systematis arteriosi, venosi, atque lymphatici generibus compositum esse; arterias in venas abire absque ullo interventu glandularum; earum ramos ramusculosve miro modo multiplicatos, membrana tenui duplici, s. triplici, undique inclusos, in minutissimas propagines capillares abire, mollissimas, succosas, rotundas; & ita Acinos efformare, propriam membranam non habentes *b*); cæterum esse fasciculos venarum, ramorumque pori bilarii, indissolubiles, in penicillos quasi conglomeratos *c*), qui macerationis ope explicati vasa sistunt, tomenti s. gossypii instar, tenuia, Penicillos aut Acinos detritos & obtusiusculos referentia. Hæc theoria ita placuit Ill. ALBINO, ut eos Acinos vascula faciat

B 3

<i>m</i>) HALLER L. VII p 390.	4. Th II Aff III. N. 1. Aff. IV.
<i>a</i>) Conf. n. VI. not. <i>f</i>)	n. 15. Th. II N. 3. Th. VI. N. 82.
<i>b</i>) WINSLOW n. 286. JENTY	88. 108. Th. VII. Aff I. N. 17.
I. p. 116.	Th. X. N. 77. 80. BIERWIRTH
<i>c</i>) RUYSCH. Th. I. Aff. II. N. 7.	<i>de fabr. glandul. f. 1. WINSL.</i>
Th. IX. N. 59. Th. IV. f. 1. 2. 3.	n. 287.



esse, quæ versus se invicem incurvata, fere conniventes Rosas Hierichuntinas *d*) referant; quæque, juxta WINSLOWIUM *e*), per mutuum extremitatum suarum implicationem, innumera-
rabilem pulposorum & friabilium granorum congeriem effor-
mant, quæ pro totidem organis propriis, ad peculiarem a san-
guinis massa succum, cui Bilis nomen est, separandum haben-
tur. Cum RUYSCHIO, licet is haud penitus omnem vasorum
distributionem exhaustam explanatamve reliquerit, consen-
tiunt plurimorum nostri ævi Anatomicorum observationes;
quarum eas solummodo recensere sufficiat, quæ cum ipsa rei
natura conspirant. FERRENIUS *f*) Acinos in Hepate minu-
tissimos detexit, in unius lineæ spatio millenos, qui tamen
omnes abirent in vasculum, in spiram annuli, aut in dimi-
dium anulum curvatum. Ill. HALLER *g*), lobulum Hepatis
ex multis minoribus particulis, sola clausum cellulosa tela,
compositum esse docet. Fundamentum cujusvis fasciculi
præbet Venæ Portarum ramus *h*), cui ductus bilarius adsidet;
circa hunc arteriæ ludunt & nervi *i*); ex trunculo dein ramuli
radiatim undique sparguntur *k*). In eum Acinum porro
etiam porus bilarius intrat, & ramus Arteriæ Hepaticæ *l*),
nullo ad verum Hepatis parenchyma ramo dato *m*). Præterea
Arteria Hepatica in omnia quoque puncta sese diffundit *n*),
inque Acinos *o*); & inflata Acinos inflat *p*), perinde ac venæ *q*),
aut bilarius porus. Suum cuique vasi tenerum textum cel-
lulosum est *r*), continuum forte, cum reticulato illo extimæ
& intimæ tunicæ *s*). Glissoniana dein tela tenuior omnia illa

d) HALLER T. VI. p. 517.

e) N. 273.

f) *Mem. de l'acad.* 1749. p. 497.

g) l. c. p. 518.

h) WINSLOW n. 318.

i) Idem ibid. VIEUSSENS. obs.
p. 115. 135.

k) Penicillum dicit BIERWIRTH
f. 1. Pedem anserinum VIEUS-
SENS. obs. p. 139 Idem de vena
cava similia adfirmat.

l) Ramum arteriæ hepaticæ ex-
cludi vult LOQUET n. 9. 14. 16.
GLISSON. c. 29. p. 259.

m) LOQUET. l. c.

n) RUYSCH *Thef. max.* n. 86.

o) VIEUSSENS. p. 201.

p) WINSLOW n. 288. JENTY
T. II. p. 116.

q) WINSLOW ibid.

r) Idem n. 316.

s) RAV ap. VALENTIN. p. 92.



undique involvit *t*). Repleto Hepatis vase quocunque, facile est distinguere, materiam tinctam solam cellulofam vaginam, ei vasi propriam replevisse, ita ut reliquis vasis plane nihil tincti inde circumfunderetur. Ex omnibus illis vasis, cum cellulosa tela invicem junctis fit peculiaris Hepatis caro, cujus firmitas & durities peculiaris *u*) pendet a firmitate, brevitate atque copia cellulofæ ad vasa comparatis. Acini itaque Hepatis sunt nihil aliud, quam fasciculi illi omnis generis vatorum, sensim diminuti, ramosi, propriis cellulofæ telæ vaginis inclusi, qui Hepatis lobos in minores, minoresve lobulos dividunt, mediocres, parvos, minimos, microscopii demum solius auxilio conspicuos, usque dum carnis Hepatis minimæ quasi insulæ s. apum alvearia *x*) supersint; quas nullæ porro conspicuæ lineæ cellulofæ intercipiunt, & quarum propria fila cellulosa cum suis vasis firmitus cohærescant *y*), quam cum cellulosa circumfusa. Figuram acinorum angularem, polygonam *z*) esse dicunt nonnulli: quod mihi videre non datum. In his ipsis Acinis ramuli a Vena Cava provenientes, illos a Vena Portarum oriundos attingunt; & ita in iisdem fiunt illæ humorum inter vasa venosa, arteriosa, atque bilaria mutuæ communicationes, quas inferius evincemus.

§. VIII.

Fabricam Hepatis interiorem explanaturi, ut eo melius justam atque distinctam ideam dare possimus, animus nunc est exponendi ea, quæ nobis, post plurima repetitis vicibus instituta experimenta, propriis oculis videre, lustrare, examinare datum fuit. Nimirum: sumsimus Hepata humana variæ

t) Venam cavam extra capsulam esse solitarie, cum paucioribus arteriis, per ejus tunicas distributis VIEUSSENS. p. 135. ad ramos venæ portarum, venæ cavæ ramos indecussim ferri LOQUET n. 13.

u) Hepata per multos annos durasse integra PETIT *miscell.* L. I. c. 7. PLIN. l. 1. p. 629. Partium

solidarum non dissilabilium rationem in hepate v. ex MUSCHENBR. *introd.* p. 556. SAUVAGES *diff. sur l'act. des med.*

x) RUYSCH. *resp. ad* BOERH. p. 72. WINSLOW n. 286.

y) WINSLOW n. 285. 286.

z) COLLIN. *mem.* 1749. p. 437.

497. WINSLOW n. 287.

ætatis. Replevimus eadem tum materia tincta, ceracea, sebo mixta; tum, quod multo meliori cum successu, resinis alcohole vini solutis & coloratis. Injectionem mutatis vicibus administravimus, modo per Venam Portarum, modo per Arteriam Hepaticam, modo per Ductum Hepaticum, modo per Venam Cavam; tum per singula hæc vasa seorsim, tum duobus, tribusve simul sumtis. Vidimus interdum, non vero semper, materiam injectam felicissime ex Vena Portarum per extremitates vasculorum in Ductus Hepatici & venæ cavæ fines rediisse. Et viceversa. Atque id quidem ita, ut etiam vascula lymphatica, in superficie Hepatis inter tunicas ejus ludentia, repletionem evidenter sese conspicua reddiderint. Singula tali modo præparata viscera, aquæ, (cui ut eo melius cellulosa solvi posset, & vasa a putredine defenderentur, aliquiâ acidum vitriolici adjiciebatur; quæque semper elapsis aliquot nocturnis renovabatur) immissa, & ita continuo per plures septimanas tractata, sequentia phænomena dederunt. Primo, elapsis tribus, quatuorve diebus, ubi externa Hepatis tunica examinabatur, facillimo negotio a subjacenti intima membrana sese separari patiebatur, non modo scalpelli anatomici, sed vel folius manus ope. Non tamen ubivis eadem cum facilitate. Quippe in gibba Hepatis parte facilius multo, quam in sima; semper nihilominus magna in distantia secedebat ab utroque latere vasorum lymphaticorum. Ablato sic communi Hepatis involucri, intimum admodum difficulter se solvi patiebatur; secedebat tamen, licet non ubivis æquabiliter. Involucris sic remotis, viscus iterum committebatur aquæ. Fluidum hoc sæpius ablatum & denuo renovatum, præmissa semper leni Hepatum concussione, agitationeque; post aliquot mensium spatium, id quod etiam Ill. HALLERO contigit, macerationem illam tandem admodum utilem proficuumve reddidit; quippe vasa tunc fere omni nexu soluta, absque ulla diminutione sese ob oculos posuerint; inde enim secessit quidquid non ex vasculis constare ^{a)} videbatur. Viscera tali modo præparata,

a) Tale enim quid ubivis partium C. H. nec cerebri cortice excepto, reperiri, varia tamen in ratione pro loci diversitate ALBIN. Annot. acad. L. I, c. XII. p. 52. L. III, c. I,



si in liquorem, ubi eadem conservare vis, immittis, eundem spongiæ instar in sese hauriunt atque recipiunt, qui interstitia acinorum arctiori antea lanugine tecta, replet, diducit atque dilatat.

§. IX.

His prælibatis, ordo nunc tangit historiam ac distributionem vasorum in interiori Hepatis structura, quam his habeto. Unicum Hepar præ omnibus reliquis visceribus id peculiare habet, quod imò sanguinem non ab arteria sola, sed a duabus etiam venis, præprimis dum Fetus utero adhuc continetur, habeat. Inde fit, ut 2^{do} Hepar primum inter reliqua viscera evolvatur, & prægrande jam tunc temporis deprehendatur, quo pulmo, renes, ventriculus, intestina oculos fugiunt. 3^{tio} prouti ingens, viscus est, ita etiam numerosissimas arterias nactum est, majores a cæliaca fere sola; minoresve, quæ quidem non semper perpetuæ sunt, sæpe tamen sat magnæ, provenientes a coronaria, mesenterica, mammaria, epigastrica, phrenica, capsulari, atque spermatica *a*). Arteria Hepatica, a cæliaca ortum trahens, fere maxima est *b*), inter cæliacæ ramos; transversim per Portas ad Venam ejus nominis venit, in que sulco lobuli, funiculo vasorum hepaticorum sese associat, cujus incurvo processu interdum ambitur. Plurimis vasculis exiguis rubris, atque lymphaticis, tum cellulosa tela, imprimis cum Venæ Portarum & Ductibus Hepaticis irretita, pergit sursum, dextrorsum, propior lobulo & sinisterior *c*); magis conspicua quam Vena Portarum. Antequam interiorem Hepatis habitum intret, plures ad circumjacentes partes diversæ diametri ramos *d*) de se dimittit.

C

a) HALLER fasc. III. p. 53. 54. 57. V. p. 8. VI. p. 8. 9. VII. p. 33. Tom. VI. p. 472.

b) EUSTACH. t. 10. f. 2. t. 27. f. 1. Arteria hepatica, etsi forte pro visceris ratione non maxima, non tamen exigua est. Quartam partem luminis venæ portarum ha-

bens. Ex aorta ipsa hepaticam arteriam prodiisse, cæliacam inter & mesentericam superiorem HALLER l. c. p. 471.

c) EUSTACH. l. c.

d) Conf. HALLER Fasc. II. p. 55. tab. cœl. I. WINSLOW n. 181.

In ipsis portis ante venam ejusdem nominis dividitur in duos, rarius in tres *e*) ramos. Quando tres adfunt rami Arteriæ Hepaticæ, tunc dextra, sinistra, & media salutantur. Ab his rursus surgunt alii: quorum quidam superficiei Hepatis propiciunt, quidam autem in ipsam ejus substantiam sese immergunt *f*). Omnes illi Arteriæ Hepaticæ trunci majores in interioribus hujus visceris ita sese habent, ut per totam sui tractus longitudinem, sensim sensimque diametro sua diminuta, in parvos minores, minimosque ramos, ramusculosve sese dividant. Idem, ubi ad superficiem pervenerint, eximias cum furculis superficialibus anastomoses *g*) faciunt. Hujusmodi ramuli ab una Hepatis regione ad alteram usque continuantur. Quivis eorum, ubi ad oppositam partem pervenit, quasi abruptus esse videtur; sedulo vero examinatus, insignem subtilissimorum vasculorum copiam de sese dimittere observatur. Unde rursus mirus furculorum numerus erumpens, tenuissimos Acinos efformare juvat. Hi dein Acinorum furculi in suo progressu divisi, rursus in aliquot paululum flexuosos ramulos abeunt, versusque superficiem Hepatis emergunt. Hi, dum in aqua examinantur, fluitantes sese explicant, & a se mutuo divaricant. Alii præterea ramuli, furculive in arcum reflexi, similibus alterius lateris vasculis occurrunt, iisdem inosculantur, implicantur, atque tum e convexitate illius arcus, ramulos, in recta linea progredientes, qui trunculorum vices subeunt, minimosque acinos sustinent, emittunt; tum alios furculos e concavitate ejusdem arcus spargunt, qui cum ramusculis e proximæ cujusdam arteriæ majoris efflorescentibus furculis anastomosin faciunt. Inde fit Rete illud

e) HALLER Fasc. II. tab. cal. 1. EUSTACH. t. 10. f. 2. t. 21. f. 1. LOQUET *art. hep.* n. 6. quatuor ramos fuisse HALLER T. VI. p. 473.

f) COWPER *app.* t. 3. f. 34. LIEUTAUD p. 490.

g) Hi sunt procul dubio furculi, qui de superficiei hepatis tenuem

humorem exhalant, quique carne hepatis perforata, rete faciunt, quo hepar ab omnibus aliis visceribus distinguitur. MORG. *advers. anat.* III. p. 39. RUYSCH. Th. I. Atl. II. N. 7. Th. V. t. 6. Th. X. t. 3. f. 1. N. 134. HALLER T. VI. p. 475.

mirabile, superius *h*) dictum, diversas quasi cellulas variæ formæ atque figuræ intercipientes. Omnes rami, ramusculique Arteriæ Hepaticæ illos Venæ Portarum individue ad ultimos usque fines comitantur.

§. X.

Acinorum, ex singulis seorsim spectatis trunculis arteriosis oriundorum, numerus haud definiri potest. Ad sex, septem & octo non raro extenditur. Singuli Acini in duos alios pluresve acinulos sese dividunt; horum rursus ramus arteriosus quivis in ultimo suo fine bifariam, aut trifariam dividitur. In aqua examinati omnes fluctuant, relaxantur, extenduntur, & a se invicem recedunt; atque sic expansi, arbusculæ potius speciem, quam Acini figuram præferunt. Absque liquore lustrati, quum haud ita sese evolvi patiantur, papillulas linguae non adeo ab similes mentiri videntur. In universo Hepatis ambitu extimo erecti sedent, fereque sibi invicem paralleli conspiciuntur. In interiori ejusdem habitu haud talem ordinem servant. Inordinatim sunt dispositi, situm determinatum non habentes. Figura maxime variant. Multo sunt minores illis, qui superficiem externam respiciunt. Minimi deprehenduntur, quo vasorum ingressui viciniore evadunt. Singuli inter se invicem certum spatium s. interstitium relinquunt; hinc unus ab altero certa ratione distat, nec alter alteri incumbit, ob intercedentem miram venarum dispositionem, quæ in sequentibus patebit. Extremitates Acinorum longiusculæ sunt, quibus ad instar arcus versus venulas ex obliquo advenientes, feruntur, flectuntur, iisque inosculantur. Minimæ arteriolæ haud ita elongatæ ramo cuidam venoso fere directim correspondent, aut prorsus singulari ratione in venulas collaterales sine ulla fere flexione, continuatæ sese immittunt, dum Acinus venosus extremitati Acini arteriosi ex adverso opponitur. Ita ex hisce apparet evidenter, ultimos arteriarum fines denique in venas abire; nec alia est omnino harum origo, nisi ab arteriis. Si modo

excipias illos ramusculos, qui viscerum ac vasorum involucris, telæque cellulosæ, ea undique circumambienti, nutriendis destinati, prospiciunt.

§. XI.

Venarum Hepatis eadem fere directio, dispositio, atque divisio est ac Arteriarum Hepaticarum: quas tamen longe majori numero superant. Incipiamus a Vena Portarum. Hæc cum Vena Umbilicali prouti alia multa, ita etiam illud commune habet, quod utraque & radices habeat, & ramos, non immediate Corde interposito *a*). Principales Venæ Portarum trunci seu radices sunt duo: Vena splenica & mesenterica *b*); quæ dein in unum truncum *c*) confluent. Hicce Venæ Portarum truncus, prægrandis diametri, minoris tamen quam ille Venæ Cavæ est, transit pone Duodenum ad Portas, occultus, posteriorve: incedit in fasciculo vasorum hepaticorum, tectus glandulis, reticulo arteriolarum venarumque, nec non arteriis & bilariis ductibus omnibus; ibique plurimas a circumjacentibus partibus venas in se recipit. Integerrimus est, usque dum Portarum valecula continetur. Dein in fulci Hepatis transversæ, parte pene dexterrima, abit in duos insignes ramos: dextrum & sinistrum *d*); qui a se invicem secedentes, maximum efformant angulum, ut fere e directo sibi ponantur. Truncus ipse in puncto divisionis paulum, prouti Arteriæ facere solent, latefcere *e*) videtur. Dexter ramus brevior, amplior *f*), recepta cystica vena *g*), bifidus lobum dextrum

a) Vena Umbilicalis ex Funiculo radices suas in unum truncum colligit; ex quo porro sanguis per ramos decrecentes tanquam ex arteria per Hepar dispergitur, & dein per venosas radices denique ad Cavam Venam inferiorem & ad Cor revehitur HALLER l c p. 485.

b) Raro tres rami truncum Venæ Portarum constituunt. His ramis præterea sese associant Venæ: gastro-colica, colica media, hæ-

morrhoidæ interna s. mesocolica; ut taceam de minoribus, gastrica minori, cystica, duodena, pancreatica.

c) Conf. HALLER T. VI. p. 486. 487. 488.

d) Nonnunquam in quinque WINSLOW. n. 276. SPIGEL p. 148. GLISSON. p. 293. in tres EUST. t. 27. f. 2. 4.

e) ALBIN. ad EUST. p. 161.

f) GLISSON p. 292.

g) VESAL. p. 623.



adit, ibique totus dividitur. Sinister Venæ Portarum ramus major f. longior est præcedenti; majorem quippe sulci Hepatis transversæ longitudinem percurrens: ductibus bilariis, arteriisve modice tectus: in suo progressu contractior *h)* fit. Sulci illius longitudinem emensus, & recurvus fossam umbilicalem petit, ibique in ramos divisus, in substantiam Hepatis sese immergit, lobo sinistro & lobulo anonymo prospiciens. Numerus ramorum ab hisce truncis oriundorum vix definiri potest; quippe qui in aliis subjectis alius est. Distributio eorundem in interiori Hepatis substantia eadem est ac arteriarum hepaticarum, quas ubique pari passu comitantur. Vena Portarum id præ reliquis venis peculiare habet, quod sit omnino arteriarum similis. Singuli ejus rami in alios multos, iterum divisos ac subdivisos, dissepiscuntur, usque dum in minima capillaria vascula, uti arteriæ, abeant. Quilibet Venæ Portarum ramus continuum Socium habet ramum arteriosum, qui inter se invicem cellulosa tela nectuntur. Multi eorum, ubi ad superficiem pervenerunt, de Hepate exeunt, ligamentis *i)* prospiciunt, & ambeuntibus venis *k)* inosculantur. Iidem de superficie tenuem humorem aqueum exhalant *l)*, prouti arteriæ. Robur Venæ Portarum est inter omnia vasa maximum, quo omnes reliquas venas longe superat; quippe præter membranas Hepati proprias, multam quoque cellulosa densam, brevem, qua undique cingitur, secum adducit ex Liene & Mesenterio, quæ insignem firmitatem prioribus tunicis addit, quæque ramos Venæ Portarum per interiorum ejus habitum ubique concomitans, eos suspendit quasi & sustinet, ita ut iidem dissecti, ob suam firmitatem, sectionis lumen rotundum *m)* conservent. Summa Venæ Portarum

C 3

h) ALBIN p. 162. in adulto putat; nam in fetu latior est.

i) HALLER p. 490.

k) Idem p. 491.

l) Hinc Vena Portarum ad arterias relata fuit. PECQUET *diff.*

anat. I. p. 32. BOERH. *prælect.* T. III. p. 182. ad arterias quoque eo accedit, quod nullis valvulis instructa sit.

m) HALLER p. 492.

ramorum semper major est quolibet trunco, uti quoque summa luminum, omnium ramorum ejusdem Venæ, simul junctorum, lumen trunci insigniter superat. Unde necessario sequitur, quod sanguis Venæ Portarum magnam inde frictionem experiatur, atque adeo ipse sanguinis Portarum motus admodum retardetur. Fines hujus Venæ cum reliquis Hepatis vasis dicentur.

§. XII.

Si Vena Portarum, pariter ac Arteria Hepatica sanguinem huic visceri adferant; necesse est, ut supersit quoque alia, quæ eundem inde liquorem auferat. Est illa Venæ Cavæ ramus prægrandis *a*); ortum trahens a Cordis Auricula Dextra *b*). Inde per foramen *c*) in septo transverso, & quidem in parte ejus tendinea, solis tendinibus circumductis interceptum, obtuse quadrangulum, versus Abdomen descendit, & in majoris Hepatis lobi partem posteriorem sese immergit, in duos tresve truncos *d*) divisa; quorum dexter maximus lobo maximo, sinister minor lobo minori, & tertius minimus, lobulo prospiciunt. Hi dein trunci in substantiam Hepatis immersi, in decem vel ultra majores ramos abeunt, unde rursus alii numerosissimi ramuli ramusculive surgunt; mirasque cum furculis Venæ Portarum & Arteriæ Hepaticæ communicationes faciunt, tam in interioribus Hepatis, quam in universo ejusdem ambitu. Rami Venæ Cavæ omnes in universum in adulto Homine pauciores minoresve sunt, quam illi Venæ Portarum *e*). Iidem Venæ Cavæ rami ubique solitarii excur-

a) Idem p. 498.

b) Homini Cor tota sua basi septo transverso insidet EUSTACH. t. 16. 26. f. 1. VESAL. art. ven. Hinc nullam esse Venam Cavam thoracicam inferiorem, uti reliquis Animalibus, quorum Cor solo mucrone Diaphragma attingit. HALLER ibid.

c) Foramen in Diaphragmate duplex HALLER L. VIII. p. 83, MOR-

GAGN. sed. mor. I. n. 28. II. p. 381. 387. 491.

d) EUST. t. 27. f. 1. VESAL. L. III. c. 6. p. 458. GLISSON. p. 292. f. 1. 2. MORG. l. c. WINSLOW n. 309.

e) Ramos venæ cavæ gibbam hepatis partem occupare, illos autem venæ portarum concavitati ejus prospicere olim creditum fuit SPIGEL, p. 161. Sed ab utraque



runt, extra cellulofum, quod ramos Portarum comitatur, textum pofiti. Ubi cum venulis Portarum in interiori Hepatis fubftantia anafomofes alunt, magnos cum iisdem, & quidem pene rectos angulos conftituunt. Valvulæ in omni hacce vena, quæ in Hepate diftribuitur, nullæ *f*) hucusque innotuerunt. Anafomofes finium & ufus hujus Venæ fimul cum reliquis exponentur.

§. XIII.

Expofita hucusque vafa Hepatica, plura cum reliquis corporis humani vafis communia habent. Ea autem, quæ nuncce exponenda fuperfunt, proprium & peculiare foli Hepati vaforum genus conftituunt. Ductus Bilarios Hepaticos volo. Nullum efle animal, cui Hepar datum eft, quod non etiam hisce ductibus inftitutum fit. Ortus eorum eft de univerfo Hepatis ambitu *a*). Ubi reliquorum vaforum fines funt, ibidem illi incipiunt. Radiculæ horum pororum biliariorum, tum in fuperficie, tum ex intimis Hepatis natæ, fenfim fenfimque in majores, venularum inftar, trunculos confluent. Hi omnes individui funt Venæ Portarum & Arteriæ Hepaticæ comites; eadem pariter cellulofa tela *b*) inclufi. E plurimis denique talibus furculis furgunt duo trunci dexter & finifter *c*), per Portas ex interiori Hepatis habitu emergentes, femper focii venarum, numeroque pares *d*). De Hepatis utroque lobo emerfi, per fulci tranfverfi longitudinem feruntur, & fere in medio finiftri Venæ Portarum trunci in unum coeunt. Ita natus Ductus Bilarius Hepaticus, ab ipfo puncto unionis duorum truncorum latefcere incipit *e*). Communis nunc ac manifeflus ad dextrum latus Venæ Portarum, eidem parallelus *f*), & capfula cellulofa inclufus, de Portis egreditur;

hac vena ad omnia hepatis puncta ramos dari evictum eft.

f) HALLER L. II. p. 143.

a FERREIN l c.

b WINSLOW n. 278. 315,

c) GLISSON. p. 255,

d) Tot ramos adefle, quot ramos vera portarum habet SWAMMERDAM *progr.* p. 40.

e, GLISSON. p. 255.

f) EUST. t. 10. f. 2. t. 16. art. cæl. 1. 6,

denique cum cystico & pancreatico junctus g) in eminente, oblonga, Duodeni ruga in cavitatem ejusdem aperitur. Natura hujus ductus peculiaris est. Is præter extimam tunicam strictam, quæ e crassiori cellulosa tela h) efformatur, iisdem tunicis ac intestinum munitus, insigniter robustus redditur. Exteriorem membranam excipit textum cellulosum laxum, vasculis arteriosis pictum. Hoc sequitur nervea, & denique villosa, utraque egregie reticulata, deque ipso intestino continuata, atque pluribus fossulis sinubusque exasperata. Irritabilitas hujus ductus experiunt se probavit i). Ad sat magnam molem eundem dilatabilem k) esse morbi demonstrant. Idem quoque illustrent, sensum in hocce ductu acrem esse, quos ægri, dum calculi bilarii eundem ductum occupant, experiuntur.

§. XIV.

Omnia hucusque descripta Hepatis vasa arteriosa æque ac venosa, nec non Ductus Bilarii Hepatici, eam rationem ubique servare deprehenduntur, ut, in universa Hepatis substantia, distributa, unum alteri sit individuum comes; ita ut ubi unum adest, ibi omnino etiam reliqua reperiantur, eosdemque Acinos, arteriarum in modum, efformare juvent. Licet non omnia eodem passu obambulent. Quippe arteriæ quidem ubique venis sociæ sunt. Venæ autem circa ramusculorum fines paululum ab iisdem sese separantes, arteriolas deferunt, & inter quemlibet Acinum, ejusque surculum principalem, ramulum venosum intromittunt; & ubi Acinus erectus prostat, tunc ramulus venosus, arcus instar reflecti solet. Vena Portarum, Arteria Hepatica, & Ductus Bilarius Hepaticus, in unum quasi fasciculum, communi membrana, ab involucri Hepatis oriunda, inclusa colliguntur, antequam Hepatis substantiam intrent. Truncus Venæ Por-

tarum

g) Ductus hepaticus cum cystico junctus, choledochus vocatur.

h) Crassior quam venæ portarum BARTHOL. p. 332.

i) HALLER *opusc. min.* I. n. 266.

k) BOERHAAV. *præfat. ad obs. fasc. p. 18.* MORGAGN. II. p. 187.



tarum semper medium fasciculi illius locum occupat. Arteria Hepatica, & Ductus Bilarii, dextrum sinistrumve ejusdem latus tenent. Quilibet præterea cujusvis illius vasis ramus vagina propria gaudet. Omnes dein illæ vaginæ alia rursus communi illa membrana distinctæ includuntur. Omnes horum vasorum, ramulorumque fasciculi in interiori Hepatis massa suis ramusculis inter se mutuas communicationes alunt; & quo magis propiusque versus superficiem accedunt, eo in minores, subtilioresve fasciculos abeunt. Rami Venæ Cavæ communi illo involucro minime a) includuntur, neque prædictos vasorum fasciculos comitantur, sed potius eosdem quasi decussare videntur. Omnes fere venæ id commune habent, quod admodum frequentes, transversorum ramorum auxilio, inter se communicationes faciant, atque ita primum genus Retium efforment, cujus interstitia, Acini inde orti itidem replent. Retia hæc, dum materia subtilis ad ea pervenire haud potuit, revera cellulis haud absimilia esse videntur; at dissecta, & oculo armato examinata, ostiis suis conniventibus sese cava vascula esse manifeste probant. Ultimi Venæ Portarum, Venæ Cavæ, Arteriæ Hepaticæ, & Ductus Bilarii ramusculi, cellulosi texti ope uniuntur in Acinos quosdam angulosos, cellulosa tela laxa circumscriptos. In quolibet horum Acinorum mutux prædictorum vasorum anastomoses fiunt. Id quod demonstrat liquor per Venam Portarum injectus, inque poros Ductus Hepatici, aut Venam Cavam regurgitans. Iidem ramusculi de substantia Hepatis emergsi, cum suis similibus varios exiguos plexus efformant, qui Acinorum ramusculos recipiunt. Ex illis plexibus venulæ dein ramosæ, Acinorum instar, obliquo tractu, ad ultimas arteriolarum extremitates, quæ illis multo sunt ampliores, excurrunt, iisdemque inosculantur. Plexus talis, arbusculam referens, in aliquem incurvatum, qui totum Acinum aliquomodo includit, trunculum abit, unde iterum ramuli venarum ad quosdam Acini fines exsurgunt. Trunculus autem ille ipse in

D

a) Semper fere reliquis vasis exteriores adjacent. Confer. N. XII.

circulum redeuns, areolæ quasi speciem efformat, tot angulis distinctam, quot locis trunculus hicce cum adjacentibus aliis inosculatur. Fit hinc in superficie Hepatis novum Rete per elegans, cujus Areolæ singulæ nonnullos Acinos ambeunt atque includunt; quodque ob longiores, superficiem externam occupantes, Acinos, paulum contegitur: quum illud internum elatius sit, Areolæque a venulis descriptæ, magis elongatæ deprehendantur. Surculi ex illo Reti oriundi præprimis arterioli inosculantur. Et quum venarum numerus multo major sit, quam arteriarum; Arteriæ autem nullo sæpius arcu factæ, in venulas abeant; necessario hinc fieri debet, ut talium venularum plures, nullum ramulum sibi oppositum offendentes, solitarie decurrant, cum suis sodalibus in aliquem truncum confluant, aut denique ramo cujusdam venæ majori immittantur. Anastomosis omnium horum vasorum mutua dicemus post historiam Vasorum Lymphaticorum, quæ nobis observandi non mediocris sane opportunitas fuit.

§. XV.

Historiam Lymphaticorum Vasorum indagare, novaque post præclaros viros NUCKIUM, MONROOUM, MECKELIUM, HALLERUM, phænomena in his detegere velle, haud forte ita possibile pluribus videri queat, ut hacce re satius supersedere, quam aliorum inventis rimandis inhærere duxerint. Ast sedulæ aliorum circa res physicas observationes ab ulteriori earundem indagatione minime quemvis abstinere, ut potius novum cuique calcar addere, debeant. Itaque, quæ nos post iterata experimenta ex ipsa Lymphaticorum Hepatis Vasorum natura didicimus, candide in medium proponimus. Vasa Hepatis Lymphatica numerosissima esse, vel sola inspectio anatomica docet, atque adeo prompta sunt visu, ut nec antiquiores *a)* latuerint. De ortu eorundem non omnes ejusdem sententiæ *b)* sunt Auctores. Ea in universo Hepatis

a) BARTHOLO. in *lymph.* p. 18. FALLOP. de *ven.* obs. 8.

b) A glandulis minoribus oriri MALPIGH. *struct. gland. conglob.* p. 3. ab

arteriis venisve NUCKIUS *adenogr.* p. 52. 62. HALLER in *BOERH. inst.* §. 246. not. ad lit. (*a*) & *prim. lin.* §. 181. LIEUTAUD *Elem. phys. sect.*



ambitu ex intima ejusdem carne c) oriri, atque adeo vasorum hepaticorum continuationes esse, experimenta evincunt. Injectionis enim materies subtilior per vas aliquod hepaticum magnum impulsæ, sæpissime in Vasa Lymphatica, absque ulla vasorum ruptura sive extravasatione penetrat, Eadem per Arteriam Hepaticam immissa, non solum Vasa Lymphatica Venæ Portarum Vesiculæque Felleæ tunicas perreptantia sæpius replevit; sed plurimis quoque in locis, præcipue in gibba Hepatis superficie, eadem sub extima Hepatis tunica ludentia satis conspicua reddidit. Ductu Hepatico, injectione resinosa, alcohole vini soluta, & colore rubro tincta, repleto, liquidum facile in poros bilarios, indeque in Vasa Lymphatica ubivis in Hepatis ambitu reperiunda absque mora ac resistentia transiit; & quidem ita, ut eadem quoque per Hepatis fossas exeuntia, duplicaturæve peritonæi copiose perreptantia, eleganter non raro repleverit. Imo idem fluidum, vel & ipsum aëra per eundem Ductum adactum, in Vasa Lymphatica, indeque in Venæ Cavæ radículas d) transiisse observatum est. Porro eadem materies per Venam Portarum injecta, poros bilarios subiit, vasaque lymphatica evidenter reddidit. Quid quod nuperrime mercurio in aliquod Vas Lymphaticum in convexa Hepatis parte conspicuum, impulsio,

D 2

II. p. 174-179. Auteur Anonyme (supposé Senac) dans l'anatomie d'HEISTER T. II. p. 281. Il y a l'apparence, que les arteres envoient des ramifications, où le sang ne pouvant pas entrer dans ces petits rameaux, s'insinue la lymphe, qui sans doute doit être rapportée par des veines, qui repandent aux petites arteres. Et p. 230. Les veines lymphatiques repondent aux arteres, qui portent la lymphe dans toutes les parties du corps. HAMBERGER „phys. med. §. 469. Ex omnis generis „cavo humidum liquidum vehente, si- „ve sit arteria, sive vas secernens, vel „excretorium, vel aliis usibus destina- „tum, vasa lymphatica oriuntur. A du-

„tibus bilariis FERREIN *hist. de l'acad. des sciences* 1733. les vaisseaux lymphatiques du foye tirent en partie leur origine du principe des tuyaux biliaires. ALEX. MONROO *tract. de ven. lymph.* „Ex cellulosa cavernulis & viscerum „cavitatumque superficiebus internis. Quidam de ortu lymphaticorum plane dubitarunt. WINSLOW *tract. de cap.* n. 598. LIEUTAUD *Essais anat.* p. 537. „Ex celluloso rete externo VIEUSSENS. *obs.* p. 167.

c) *Hist. de l'acad.* 1721. p. 30. DISDIER *physiol.* p. 41. 42.

d) J. F. MECKEL. *nov. exp. & obs. de fin. vas.* Berol. 1772. p. 84. 85.

facile id, post aliquam tractus vasis illius longitudinem substantiam Hepatis intravit, indeque per quendam truncum lymphaticum in Portas fat magna in copia exiit. Eadem vascula lymphatica, absque ulla accedente repletionem artificiali, ubique in superficie Hepatis conspicua esse, & in vivo animale turgere *e*) certum est. Denique eorundem ortum etiam a vasis sanguineis esse, demonstrat forte lymphæ coloris flavescens *f*), uti nuperrime vidimus, in vasculis lymphaticis conspicua. Num autem hæcce vascula ex arteriis potius *g*), quam ex venis *h*) surgant? non facile dixerim. Tam ex arteriis, quam ex venulis eadem originem trahere posse, experimentorum huncce in finem institutorum similis successus, argumenta allata, varia horum phænomena, fabrica & decursus fere idem, lacteorum vasculorum Analogia, naturæ simplicitas atque constantia, sane talia suadere videntur.

§. XVI.

Copiosissima numero sunt Vasa Lymphatica in Hepate humano, tam in superficie ejus gibba *a*), quam concava *b*), nec non vesiculæ felleæ facie *c*), sub exteriori Hepatis involucro *d*) ludentia, cellulosis cæruleis lineis distincta, atque e fulcis Hepatis cum vasis rubris *e*) prodeuntia. Tenuis hi

e) DIEMERBROECK *anat.* 13. si ligatura ventriculum inter & hepar fiat, qua simul vena portæ cum ductu biliario comprehendatur; mox, dummodo in animali vivo hoc tentetur, ligaturam inter & hepar sit horum vasculorum intumescencia, quæ multum increfcit, si hepar leviter manu prematur. Add. HEISTER *Comp. Anat.* §. 217. & R. de GRAAF *vir. orig. genit.* p. 36. leni compressione & agitatione vasa lymphatica in visceribus corpore exsectis in conspectum venire. Conf. HALLER T. VI. p. 503.

f) Aliquando rubicundi coloris HALLER *prim. lin.* §. 181.

g) Per arteriam ea replevit BARTHOL. *de diaphr. sect.* IV. p. 91. NUCKIUS l. c. COWPER *anthropol. in expl. ad tab.* 36. f. 1. litt. R. Venæ

lymphaticæ tanta exilitate ab extremis suis arteriis prodeunt, ut conspectum nostrum orientes omnino fugiant: at rivulorum more inter progrediendum confluentes sensim majores evadunt, atque satis tandem conspicuæ fiunt. TH. LAURANCE *disp. med. de hydrop.* 1756. p. 90-100. LOND. conf. not. *b*) n. XV.

h) COWPER l. c. MORG. *advers. anat.* II. animadv. 47. p. 88. HALLER L. II. p. 156.

a) RUYSCH. ep. V. p. 20. 21. WINSLOW. n. 285.

b) Idem l. c.

c) BARTHOL. *anat.* p. 151. VIEUSSENS. *obs.* p. 204. NUCKIUS p. 154.

d) WINSLOW l. c.

e) ASELL. f. 4.



ramuli ex interioribus illuc delati, sub angulis majoribus colliguntur in plures quasi rivulos, sive fasciculos vasorum numeroforum, qui dein confluunt in plexus; hi denique ad Portas versus ingressum vasorum hepaticorum sanguiferorum excurrunt; Venam Portarum, reliquumque funiculum vasorum undique ambeunt, glandulas dein conglobati generis *f*) retro & ante illam venam sitas adeunt. Inde pone Pancreas, arteriam mesentericam ad Aortam usque *g*) sequuntur, & in unum magnum truncum *h*), aut plures ductus *i*) confluentes, constanter cystemæ lumbali *k*) inosculantur. Plexus & distributio horum vasculorum non prorsus alia est in Hepate, quam reliquis in visceribus. Natura eorundem peculiaris est; quippe tenuis pellucensque his vasculis membrana data est, rigidior, licet non adeo elastica; unde etiam haud quaquam sese sustinens: nihilominus tamen magis fortiter dilacerationi tensionique resistens, quam illa venarum. Id quod vel injectio hydrargyri docet, quod sat magna in copia aliquem minorem in ramulum adactum, eum non dilacerasse observatum est. Robur tunicæ cum magnitudine lymphaticorum trunculorum crescit, ut sæpe mirum sit, quantum majores hi canaliculi pressioni gravissimi illius fluidi resistent; quantaque vi, rigiditate tunicæ in impulsu fluidum agant. Eadem iisdem sese retrahendi facultas est, ut summa vi eadem Liquidum contentum urgere, & ad disruptionem ramos, dum exsiccantur, sæpissime cogere *l*), experientia loquitur. Superant Vasa Lymphatica hacce sua resistantia sanguifera vasa, quæ pressioni mercurii facile cedunt, & dilatantur ad rupturam usque, unde mercurius elabitur. Valvulas quoque iisdem inesse primus RUYSCHIUS *m*) demonstravit. Robur eorum est insigne; quum duplicata tenuis, versus inferiora semilunari figura prominens, membrana *n*) valvulas effor-

D 3

f) HEISTER *compend.* T. II. n. 29.

g) GLISSON. p. 268. 417.

h) ZELLER *administr. vas. lymph. c. I.*

i) NUCKIUS p. 144.

k) RUDBECK. *duct. hepat. aquos. t. I.*

l) MECKEL. *diss. II. epist. vas. lymph.* 1757. Berol. p. 81.

m) RUYSCH. *dilucidat. de valvul. in vas. lymph. c. III. p. 13.*

n) Id. *ibid.*

met. Structura earundem adeo simplex est, ac horum vasculorum tunicæ, ita ut nihil fere jam dictis addi queat. In ulteriora, hancce rem respicientia, inquirere, minime possibile erat; facta nempe Hepatis maceratione, cum involucris ejusdem removebantur simul & dilacerabantur ipsa quoque Lymphatica Vasa, ut vix aliquod de iisdem vestigium superesset. Anastomosis & usus eorundem in posterioribus patebit.

§. XVII.

Ne etiam Hepatis Nervos intactos relinquamus, nonnulla de iisdem dicenda sunt. Nervi Hepatis multi quidem sunt numero, licet minimi. Origo eorum duplex est. Plerique horum nervorum a magno plexu gangliformi, rami splanchnici nervi intercostalis, sive nervi sympathici magni, nonnulli a ramo posterioris plexus octavi paris proveniunt. Omnes deinde texti cellulosi inter se invicem juncti, circa truncum Arteriæ Hepaticæ ludentes ipsum Hepar adeunt. Ubi ad Portas pervenerunt, Capsulæ GLISSONII cum vasis arteriosis atque venosis sese immittunt, cumque iisdem per fasciculos divisi, in intimam Hepatis substantiam sese immergunt. Eos in anteriores, sinistros & posteriores dividere possumus *a*). Anteriores sive dextri, cum Arteria Hepatica fossam umbilicalem, sulcum transversum, lobum dextrum, atque cistidem bilariam petunt. Posteriores retro & ante Venam Portarum, sulcum transversum, lobulum Spigelii, anonymum, Heparque dextrum adeunt. Sinistri denique, de plexu anteriori ventriculi prodeuntes, trans omentum minus, perque fossam ductus venosi, lobo sinistro prospiciunt, semper fere cum reliquis nervis hepaticis conjuncti, antequam interiorum Hepatis habitum intrent. Omnes hi nervi substantiam Hepatis ingressi, in infinitos ramusculos dividuntur, semper arteriarum, venarum, ductuumque biliariorum Comites, capsulave GLISSONII *b*) cum omnibus suis ramusculis inclusi. Singuli quo-

a) HALLER T. VI. p. 510. 511. | WINSLOW. *tract. de nerv.* n. 139.

b) Idem *tr. abd.* 282. 316.

que nervuli præter illam communem tunicam, vagina etiam propria gaudent. Ramos Venæ Portarum parum c) comitantur.

§. XVIII.

Exposita Hepatis singulari, mere vasculosa, structura, facile nuncce ad usum ejusdem concludere licebit. Non jam hic in omnes falsas veterum de Hepate sententias, & inconditas, quas de efficta ejusdem fabrica, sibi formarunt, theorias, inquirere consultum ducimus. Hepar nempe venis sanguinem dare: hinc radicem esse venarum; lymphæ colum esse; chylum de intestinis per Venas Mesentericas ad Hepar venire; eundem ibidem coqui; partem excrementitiam ad Hepar ferri: partem utilem a ruberrima visceris carne in sanguinem verti; quem dein Hepar & Cordi traderet per Venam Cavam, per Diaphragma penetrantem: & deorsum, per inferiorem Venam Cavam visceribus mitteret, membrisque reliquis a). Et alia his similia veterum somnia, a GALENO b), totaque antiquitate, ad RUDBECKII & BARTHOLINI tempora usque credita, quæ nuncce ab omnibus derelicta jacent, nos veriora edocti, intacta relinquimus. Potius ducem naturam secuti, inde quoque utilitatem Hepatis explicabimus. Ut autem eo magis magisque eadem pateat, prius singulorum hujusce visceris vasorum anastomosin trademus, ut eo melius inde, quæ sponte fluunt, corollaria physiologica deducere possimus. Inter omnia & singula Hepatis vasa evidentem communicationem, intercedere, mirum forte videbitur illis, qui notum sibi reddiderint: Venam Portarum præcipue, Arteriamve Hepaticam de genere vasorum adferentium esse, ubique simul sibi parallela incedere, similique tractu sanguinem in Hepar advehere, adeoque nullam inter se anastomosin alere posse; quam tamen revera adesse, fluidi in Venam Portarum impulsî, indeque in Arteriæ Hepaticæ fines transeuntis phænomenon clare demonstrat. Et viceversa. Non minus quoque difficile creditu esse videtur, anastomosin inter duo revchentia vasa subesse,

c) Idem n. 316. comites esse ramorum venæ portarum VIEUSSENS. *obs.* p. 135.

a) PLAT. *decret.* L. VI. c. 4.

b) *De us. part.* L. IV. c. 12, 19, 20.

quorum contrarii Ductus sunt. Et tamen nihil hoc certius esse novimus. Eam anastomofin, præter aliorum Cl. Viro-
rum, nostra quoque huncce in finem instituta experimenta
confirmant, ubi materie subtiliori in hocce ductus impulsa,
radiculas Venæ Cavæ eandem subiisse vidimus. Et e contra.
Eandem ipsam viam demonstrant morbi; quum bilis ipsa non
raro in sanguinis massam redeat, quam tunc temporis ama-
rore & flavo per universum corpus colore dominari videmus.
Num autem hoc fiat per continuationem Venæ Portarum ra-
mulorum in Venæ Cavæ radices, eo nimirum in loco, ubi de
ultimis Venæ Portarum ramusculis pori bilarii secedunt, ut
per exiguam Venæ Portarum particulam, tanquam per me-
dium furculum, communicationi, Venam Cavam inter &
Ductum Bilarium, via pateat; nondum decidere audeo. Ana-
stomofin inter Venam Portarum & Venam Cavam adesse,
superius adducta experimenta probant. Eandem Ductus Bi-
larios inter & Vasa Lymphatica intercedere similia evincunt,
quum aqua, lac, aer, in Ductus Hepaticos adacta, inde
viam sibi in Vasa Lymphatica *c)* pandant. Quid quod per
Ill. HALLERI *d)* experimenta pateat, inter Ductus Bilarios
& cellulofam communicationes subesse; qui Ductu Hepatico
cærulea materia repleto, totum illum ductum, omnesque
ejus in Hepate ramos, cæruleam cellulofam lineam aliquan-
tum latam, comitem & parallelam habuisse asserit. Ana-
stomofin ultimarum vasorum extremitatum, per inosculationem
angustissimorum tubulorum *e)*, longe tubulis Vasorum Lym-
phaticorum subtiliorem fieri probabile est.

§. XIX.

Si normam rationalis physiologes secuti, ejusdem monita
ad visceris nostri structuram applicare velimus, facile inde
usum Hepatis eruere valemus. Prima itaque, inquirenti se
offerens, hujus organi utilitas est, Generatio Bilis, i. e. il-
lius

c) Ligatis bilariis ductibus cum duo-
deno simul, nodosa hepatis vascula
pellucida repleti VIEUSSENS. p. 169.

d) l. c. p. 510.

e) Conf. MECKEL. nov. exper. p. 89.



lius succi, absque quo ingesta coqui nequeunt. Quomodo autem hocce fiat, altius indagandum est. Nimirum, Hepar, viscus secretorium, duplicis generis vasa nactum est: adventitia, qualia sunt Vena Portarum & Arteria Hepatica *a*); & revehentia, ut Vena Cava, & Ductus Biliarius Hepaticus *b*). Vena umbilicali, Fetu in lucem edito, excæcata, sanguis nunc in Hepar venit unice per Arteriam Hepaticam & Venam Portarum. Rami, qui antea ab Umbilicali Vena sanguinem accipiebant, nunc a Vena Portarum replentur, & ejus sanguinem Venæ Cavæ *c*) tradunt, more arterioso per radículas venosas continuo decrescetes. Ita Vena Portarum ex omnibus visceribus, chyli elaborationi inservientibus, sanguinem, a tribus magnis arteriis, cæliaca, mesenterica, & mesocolica advectum, sola reducit in unum singularem truncum, eumque per totum Hepatis habitum distribuit. Atque hoc præprimis ab omnibus reliquis corporis humani venis differt, quod hicce ejus liquor plane peculiaris indolis sit, quam reliqua sanguinis massa. Id quod sequentibus probamus argumentis: 1^{mo} Venæ reliquæ omnes ab uno aliquo organo, aut articulo, sanguinem revehunt; hinc unius ejusdemque naturæ sanguinem continere videntur. Contrarium sane obtinet in Vena Portarum, quæ a plurimis, iisque admodum diversis visceribus diversissimum sanguinem recipiat. Nam 2^{do} hicce sanguis antequam Venam Portarum subeat, miscetur adipe, s. oleo quodam ab omento & mesocolo proveniente; non enim alia est huic oleo præter Venam Portarum via. 3^{tio} Plenus halitu aliquo putrido ab intestinis per venas mesentericas

E

a) Quibus adde venam umbilicalem in fetu.

b) Facilis humorum & materiæ subtilioris ex vena portarum exque arteria hepatica in ductus bilarii radículas, eosdem ad revehentium vasorum generis pertinere demonstrat.

c) Causa eadem facit, ut hepar in fetu maximum, post partum perpetuo

minus fiat breviusque, magna parte illius sanguinis, qui in ejus carnes ante partum veniebat, privatum. Primus autem, & magis diminuitur lobus sinister, qui sanguinem suum fere omnem a vena umbilicali habuerat, & ad quem nunc sanguis venæ portarum longiori via pervenit, quam ad dextrum. HALLER p. 485.



resorpto *d*). 4^{to} Vapore abdominali fætido pariter ac volatili plenus. 5^{to} Dilutus sanguine lienali peculiarem indolem habente *e*). 6^{to} Chylo, multo pingui fæcto, per venas mesentericas resorpto *f*). Ita sanguis Venæ Portarum hisce liquoribus mistus atque dilutus, plus adipis, putrescibilis, & alcalæscens in se continet, quam ullum aliud corporis humani viscus secretioni dicatum. Omnia hæc, prouti in rerum natura fundata, sponte inde fluere videntur; licet forte sensuum testimonia non adeo confirment. Huncce Venæ Portarum sanguinem diversum esse ab illo reliquorum viscerum, repetitis experimentis probare debuisse; quum autem alii *g*) ejusdem analysin jam prolixè exposuerint; mihi vero sanguinem Hepatis humani recentem obtinere plane impossibile fuerit; & is, qui de cadaveribus sumitur, fere semper, aut ob morbum prægressum, aut ob putredinem jam in cadavere susceptam, resolutus sit; hinc in ejus naturam inquirere superfluum duxi. Arteria Hepatica & Vena Portarum sanguinem suum tradunt radiculis Venæ Cavæ hepaticis, hæc denique cordi. Id quod sequentibus probamus: Materies quælibet subtilior per Venam Portarum injecta, in Venam Cavam transit: & vicissim ex hac in illam regurgitat. Ad hæc, vinculo Venæ Mesentericæ atque Splenicæ interjecto, eæ ante id viscus, unde advenerunt, intumescunt, & ante Hepar inanitæ *h*) observantur. Ex his jure concludimus: si Venæ Portarum & Arteriæ hepaticæ sanguis Hepar adeat; si ibidem in Venam Cavam via aperta sit; necessario sequitur, sanguinem hepaticum Venæ Cavæ, & inde cordi tradi. Eandem

d) Homo, qui fæces fluidas percepto stimulo mox egerere neglexerit, & cursu, vel equo vectus, naturæ instinctum moratus fuerit, is post paucas horas sæpe durissima egerit. Aqua tunc per vasa lactea resorpta, excrementa indurescunt. Eadem putredine & fætido halitu prægnans, ad sanguinem resorpta, quanta vi ad febrem incitandam gaudeat; ex morbis apparet, ubi, quando alvus cessat, con-

tinuo sanguinis æstu præsentè, postquam clystere idem eluitur, æstus cessat. HALLER p. 496.

e) BUSCH. *diff. cit.*

f) Num etiam bile resorpta mistus sit?

g) HALLER p. 496. 497. ROEDERER *exper. circa bil. nat.* Argent. 1757.

h) Si solum venam cysticam exciperis, quæ sanguinem per suos ramos trunco alicui venæ portarum tradere videtur. HALLER p. 499.



omnino sanguinis quoque Arteriæ hepaticæ viam in Venæ Cavæ radículas esse i) similia suadent.

§. XX.

Motum sanguinis hepatici non omnibus ejus vasis eundem esse, ex diversa illius vasorum structura apparet. In Vena Portarum is multo lentior est, quam in Vena Cava hepatica, ob sequentes rationes. Primo sanguinis in truncum Venæ Portarum advecti impetus, mox ibi ob plurimos, in quos is abit, ramos, frangitur atque imminuitur. Præterea sanguis lienalis præprimis, per venas illius visceris admodum tortuosas lentissimo motu ad Venam Portarum veniens, majoribus nunc viribus indiget, ut per Hepatis angustias trajicere possit. Dein singularis Hepatis vasorum directio, distributio, curvatura, anguli, plexusque minorum vasorum, qui e plurimis flexuosis ramis sensim diminutis, insignem vasculorum minorum copiam fundunt, multum huc contribuant. Inde enim admodum aucta parietum ratione, & frequenti ad angulos allisione, magnam sanguini transeunti frictionem suscitari, consequenter multum de ejus celeritate decedere necesse est. Adhæc, quum in superioribus jam evicerimus, lumina ramorum Venæ Portarum simul sumpta, trunci lumen multum superare; atque adeo, quo major divisionum numerus, eo majorem summam luminum fieri; quumque præterea eadem & ingenti numero, & insigni longitudine ramorum gaudeat; sequitur inde, per amplum fieri spatium, ubi sanguis Venæ Portarum diffusus, multum de sua celeritate amittat, motumque suum progressivum retardatum experiatur. Denique, quum omnes Venæ Portarum rami cellulosa duplici satis firma intertexti sint; nova hinc ratio patet, eas haud ita facile irruenti fluido cedere, ob que hanc resistantiam, sanguinem in extendendis vasis multum occupatum, multum de suo impetu perdere, hinc celeritate minui. Quibus ultimo, si addimus Acinos illos hepaticos,

E 2

i) Sanguinem arteriæ hepaticæ in venam portarum transfundi SEGER. *mot. bil. cyst. n. 4.*

& Retia illa vasculosa, quæ sanguis Venæ Portarum permeare cogitur, ibique ob insignem motus sui lentorem diutius adhuc detineri, atque adeo magis magisque accumulari; facile inde sanguinis Venæ Portarum motum admodum lentum esse, ipsumque illum sanguinem majus in Hepate spatium occupare liquebit. Contrarium sane obtinet in Vena Cava; quippe cujus sanguinis motus velocior est omnino. Quum enim omnes Venæ Cavæ rami extra cellulosum, singulos reliquos vasorum truncos Portas subeuntium, textum sint positi; iidemque numero atque diametro *a)* longe minores sint, quam Venæ Portarum rami, quibuscum magnos & fere rectos angulos faciant; manifesto hinc sequitur, celeriores in Vena Cava, quam in Vena Portarum sanguinis cursum esse. Nihil enim fluidi celeritatem ita auget, quam iter ex ampliori in angustius spatium. Vena ergo Cava tantum celeritatis sui sanguinis incrementum acquirit, quanto lumen Venæ Cavæ per diaphragma transeuntis minus est conjunctis ramorum hepaticorum luminibus. Per hunc itaque in Vena Cava acceleratum motum angustiora ejusdem vasa eidem fluente sufficere possunt, quod in Vena Portarum contentum, majorem Hepatis partem occupet. Arteriam Hepaticam, quæ majori vi contractili gaudet, quam Vena Portæ, a sanguine, quem vehit, facilius expandi posse, atque adeo velociorem ejus sanguinis motum fieri probabile est.

§. XXI.

Quæritur jam: num sanguis hepaticus ob putridas particulas, quas ex omni abdominis ambitu recipit, nec non ob moram illam & calorem, quem in Hepate experitur, semiputridus sit, & resolvatur, ut non amplius se coagulari patiatur? Hoc sane prima fronte fieri posse videtur, licet reipsa haud fiat. Structuram enim partium diligentius rimanti sit evidens, humores corporis humani, usque dum vel levissimam vasorum, quibus continentur, vim experiantur, minime in putredinem abire. At sanguinem hepaticum nunquam a va-

a) Ramos venæ cavæ triplo minores esse ramis venæ portæ SPIGEL. p. 235. BARTHOL. p. 132.

forum actione liberum esse, quis ignorat, & ex dictis eluce-
scit. Patet quoque exinde, eundem per id temporis spatium
in Hepate hospitare non posse, ut inde corruptionis initia
contrahere queat. Pinguedinosus etiam humor, quem san-
guis hepaticus magna in copia fovet, putredinem arcere vide-
tur. Non desunt præterea vires hoc sanguinis iter per Hepar
accelerantes, ne is penitus subsistat ibidem. Sanguis arterio-
sus atque venosus continuo fluente, a tergo veniens, id impedit.
Pulsus vasorum continui, successivi diaphragmatis, partium-
que circumjacentium motus atque pressio, multum ejusdem
cursum juvant. Hepar nimirum in concameratione, costas
inter, diaphragma, & viscera abdominalia locatum, quasi
in prelo constitutum est, ut ita ejus sanguis facilius inde ex-
primi atque elidi possit. Diaphragma in omni inspiratione
descendens, Hepar deorsum pellit & urget; in expiratione
sursum ascendens, idem secum trahit; atque ita situm ejus
continuo mutando, dum costas ad se invicem accedere facit,
hypochochondria arctat, Hepatis juga undique urget, & sic de
plenissimo viscere humores omnes exprimit, vi quidem modi-
ca in respiratione ordinaria; majori per cursum, laborem,
nixum; maxima, in vomitu, tussi, ubi ejiciuntur primo con-
tenta ventriculi, tum flava Bilis *a*). Ventriculo & intestinis
alimento repletis atque distentis, premi viscera cuncta, atque
adeo ipsum Hepar eandem pressionem experiri necesse est.
Adhæc muscoli abdominales in actione constituti, involucrum
Hepatis duplex, sat firmum validumque, quo huic visceri
natura prospexit, ne ob nimiam sanguinis turgescentiam
rupturæ periculum fiat: Hepar undique premunt, urgent,
motumque ejus sanguinis promovent. Adest præterea aliqua
vis vitalis, semper actiuosa, universo corpori humano propria,
variis licet ejus partibus, varia ratione atque gradu, insita, ubi-
que præfens, ne quidem cute & cellulosa exceptis. Hæcce vis
vitæ omnes & singulas partes undique coercet, & sic fluidi ibi
contenti motum juvat. Ne autem talis Hepatis pressio nimia

a) HALLER T. VI. p. 602.



fiat, ulteriori sanguinis ingressui, atque adeo præparationi Bilis obicem ponens; vasorum in infinitum aucta distributione eidem visceri prospectum est. Acinorum quoque, qui nonnisi teneris cellulosis filamentis intertexti sunt, ut facilius a sanguine distendi valeant, directio, ac iter, non adeo longum ac flexuosum; nec non singularis Arteriarum Hepaticarum Venarumque Portarum in alias venas porosque bilarios mutatio, sanguinis cursum, & in Venæ Cavæ progressum ulteriorem multum facilitant; ita ut pressò licet Hepate, libera tamen semper per ejus substantiam illi via reddatur.

§. XXII.

Hepar propria carne, proprioque ductu secretorio instructum, peculiari cuidam succo secernendo & generando dictum esse facile patet. Est ille liquor, quem Bilem salutant. Quæritur jam: num Bilis in Hepate ex Vena Portarum sola; an etiam ex Arteria hepatica generetur? Bilem ex Arteria hepatica, ortum trahere, analogia reliquorum succorum secernendorum suadere videtur; nam ubique in corpore humano, proprii cuilibet parti humores ex arteriis in vasa excretoria secedunt; præcipue quum etiam ex Arteria Hepatica in Ductus Bilarios via aperta *a)* sit. At eandem Bilem, ex Vena Portarum potius, quæ sane multa peculiaria, eaque omnia ad Bilem generandam idonea *b)* habere videtur, generari sequentia suadent. *1^{mo}* Lentus sanguinis per Venam Portarum motus; notum enim est, eam venam sanguinem suum ab arteriis minimis, latissime sparsis accipere, ut is jam in principiis suis lente moveatur. Idem dein undique per venas ex abdomine collectus, & in Venam Portarum confluent, recuperat quidem aliquid de sua pristina celeritate, tantum nimirum, quanta est ratio trunci Venæ Portarum ad simul sumpta venarum mesentericarum & lienalium lumina, quorum sanguinem advehit. Mox vero multum de eadem

a) Hæc theoria SYLVII erat. Num hæc, ex Arteria hepatica in poros bilarios, via pateat, ob communicationem arteriolarum cum ultimis Venæ

Portarum ramusculis, & inde dein cum ductibus bilariis; decidere non audeo.

b) Confer. N. XIX. XX.



celeritate rursus in Hepate decedit, quando ea vena ex Portis per universum Hepar in infinitos ramos sese dividit. Prouti ex superioribus elucescit. 2^{do} Sanguis, quem Vena Portarum vehit, ejusdem indolis particulis, quæ in Bile abundant c), scatet. Nimirum oleo, sub putrido humore alcalinæ naturæ, & ad putredinem concipiendam aptæ, quæ, dum fæces alvi in crassis intestinis siccantur, aqua fætida & putrida per venas hæmorrhoidicas reforbetur, & cum reliquo sanguine Venam Portarum subit. 3^{tio} Analogia reliquorum liquorum, eundem sanguinem ob moram talis indolis esse suadere videtur. Exemplo olei cocti, butyri &c. quæ longiori mora & calore, rancida atque amara reddi certum est. Is itaque lentissimus sanguinis per Venam Portarum motus facit, ut particulæ pingues, bili generandæ accommodatæ, sese attrahant, aquosis particulis nimis alibi amandatis. Idem lentor conjunctus cum tardiore sanguinis circuitu, aptissimus generando viscido humori, qualis Bilis est, evadit. Hæc præcipua sunt Venæ Portarum adminicula, quæ Bilem ab hacce vena secerni docent; quæque omnia ab Arteria Hepatica absunt, cujus sanguis idem omnino est, ac alibi pari celeritate motus. Experimento d) præterea evictum est, Arteria Hepatica, vinculo intercepta, Bilem perinde natam fuisse. Hac ratione Bilis partes in Vena Portarum aliquatenus præparatæ amendantur nunc poris bilariis, ubi denuo secum intimius miscentur, novam præparationem subeunt, usque dum rite subactus ac præparatus hinc liquor, de Hepatis habitu interiori per Ductum Bilarium Hepaticum, intestinum Duodenum e) subeat. Hanc enim veram esse bilis viam, sequentia verosimillimum reddunt. Nimirum: directio Ductus Hepatici Bilarii absque ulla fere curvatura in Ductum Choledochum, & inde in Duodenum usque; diameter ejusdem, Ductu cystico major; iter hujus sursum ducens, serobibus quibusdam impeditum, anfractuosum; angulus minimus, quo sese in Ductum Hepa-

c) HALLER 1 c. p. 570-578. 598.

d) MALPIGH. *de lien.* p. 120.

e) Bilem omnem de hepate prius in

vesiculam divertere, quam ad intestinum venire, temere olim creditum fuit.

ticum inferit; compressio fere perpetua Ductus Cheledochi in vivo animale, ab intestino certis temporibus facta; denique ligatura, aut quævis alia causa Ductui Cheledochi applicata, ubi tunc temporis Ductus Hepaticus *f*) evidenter intumescit.

§. XXIII.

Hepar non eo solum officio fungitur, ut Bilem præparet atque generet, sed etiam ut Lympham resorbeat, perficiat, atque secernat. Resorptionem enim omnibus visceribus secretoriis datam esse, physiologe docet, ut perficiantur ibi liquida secernenda; perfecta reducantur in sanguinem; huic tradita, corporis usui ac conservationi inserviant; denique ut eadem liquida, varias ob causas præternaturales, in visceribus stagnantia, revehantur, resorbeantur, & communi dein fonti tradantur; aut inde rursus, prouti admixtione sua noxia, per alia secernicula eliminantur. Atque hac ratione, totali visceris destructioni cavetur; & liquida e viscere absorpta, acria quamvis, atque hinc irritantia, cum reliqua humorum massa circulationem subeant; donec remediorum usu, obstructione visceris soluta, liberior liquidi ibi secernendi transitus, ac naturalis visceris habitus redditus fuerit *a*). Vasa Lymphatica Hepatis de genere resorbentium & revehentium vasorum esse, vel inde apparet, quod tenuis aliquis liquor, aut materies subtilior per Venam Portarum, aut Arteriam Hepaticam injecta, nequaquam interrupto itinere eadem vascula subeat. Vinculum quoque vasis sanguiferis interjectum, quo simul Vasa Lymphatica comprehendantur; via ejusdem Lymphæ; nec non valvularum Ductus *b*), talia esse suadent. Hæc itaque adminicula revehentia, magna in copia nostro visceri data, depurationi & ulteriori perfectioni Bilis ibi secernendæ multum inserviunt, ut eorum ope, heterogenæ a Bilis natura particulæ, & pars liquidior nimia de Hepate educerentur; materia autem viscidior, & Bili conficiendæ

f) HALLER p. 579. 580.

a) MECKEL. *nov. exper.* p. 4.

b) RUDBECK. *vas. hep. aquos. c.* V.

p. 294. BARTHOL. *nov. vas. lymph.*

c. III. p. 220.



ciendæ aptior, ibidem remaneat. Minores hanc ob rationem sunt extremitates venosæ, illis Lymphaticis Vasis, quæ Lympham directe in majorem lymphaticum truncum transvehunt. Angulus quoque, quem intercipiunt, multum etiam huc contribuit, ut nonnisi aquosior & nimis fluida pars in eorum oscula intret. Liquidum hoc, ob naturam suam coagulabilem, gelatinosam, princeps est conservationis & appositionis corporis humani partium instrumentum; circulationis vero sanguinis in venis ob naturam suam diluentem aquosam, ingens auxilium: chylo cystemæ lumbalis per peculiarem Lymphaticum Ductum immiscetur. Uti enim primus Harvey, sanguinem partium infra Hepar positarum, primo in Hepar venire, & inde dein per Venam Cavam Cordi tradi docuit: Ita PECQUETUS, BARTHOLINUS & RUDBECKIUS, per vasa Lymphatica Hepatis, temere antea pro lacteis habita, ab Hepate potius in Ductum Thoracicum Lympham avehere, quam ex hoc in Hepar venire, prudenter demonstrarunt. Ita per circuitum sanguinis per vasa Hepatis secretoria, mixtio sanguinis oleoso-viscidi & crudo chylo feti, ex toto intestinorum, reliquorumque viscerum abdominalium tractu allati, magis magisque peragitur. Ne autem hicce sanguis in canaliculis inertioribus Venæ Portarum moram agat, & diutius stagnet; neve ab ulteriori, ob Bilis tenacitatem & visciditatem, in ramulos secretorios minores introitu prohibeatur; prius multa tenui, undique ex toto abdominis ambitu collecta Lympha dilutus, Hepar subit. Bilis omni hac aqua adhuc imprægnata, ob nimias partes aquosas nullius usus esse potuisset; quare natura hepatico ductui revehentia Vasa Lymphatica c) dedit, ut absorpta Lympha, acre liquidum oleosofalinum, qualis Bilis est, in Ductu Hepatico remaneat. Anastomosis enim immediatam ubique in ramulis Ductus Hepatici, cum Vasorum Lymphaticorum extremitatibus intercedere, nullum jam superest dubium. Inde etiam liquet, cur Bilis Ductus Hepatici pluribus in animalibus, quæ plane

F

c) MECKEL. l. c. p. 95.

vesicula fellea *d*) carent, adfunctiones digestionis sufficiat; quum resorptione liquidi aquosi in Ductum Hepaticum, Bilis pro natura sua fatis aeris & amara reddi queat. Usus itaque Lymphaticorum Hepatis Vasorum consistit non solum in eo, ut superfluam sanguinis hepatici fluidam partem resorbeant, sed ut eandem jam resorptam magis magisque adhuc elaborent, præparent, perficiant, & magis naturæ nostræ accommodatam, chylo immisceant. Ex inertia horum vasculorum apparet, eadem virium externarum ope maxime indigere, ut rite progrediantur fluida; non propter liquoris, quem vehunt, tenuitatem, sed ob originum suarum a vasis sanguiferis subtilitatem, remotamque distantiam, atque adeo virium Cordis, ac motus defectum. Inde etiam haud miramur, tam facilem hujus visceris obstructionem; quum Lympha tot gyrosa vasa permeans, sive ob suam tenacitatem, sive ob compressionem vasorum a partibus adjacentibus eidem liberam viam præcludentem; sive demum ob cellulofam rigidiorē, quæ ipsam Lymphaticorum Vasorum structuram rigidiorē reddidit; sive denique ob suam coagulabilem naturam, calore ac mora accedente, facillime in illum statum redigi potest, qui in obstructo hocce viscere non raro est observatus.

§. XXV.

Hepar præterea alias quoque, præter modo memoratas, utilitates præstat. Nimirum fornicem diaphragmatis exacte replet & sustinet; inter inspirandum septi descendens pressioni cedens; inter expirandum cum eodem Diaphragmate sursum ascendens. Adhæc calore, quem ob magnam sui sanguinis in vasis frictionem experitur, ventriculum & intestina adjacentia fovet, inque iisdem contenta, inferiora versus urget. Denique circulum sanguinis ex universo abdominis tractu ad cor redeuntis, qui alias ingens esset, in se recipit totum, & ita vehementem ejus motum moderatur, impetumque imminuit ac lentiorē reddit. Præprimis autem hancce utilitatem præstare videtur in Fetu: sanguinis a Pla-

d) HALLER T. VI. p. 520. & in homine vesicula fellea nulla. MOR-GAGN. *sed. mor.* XLVIII. §5.



centa Uterina advenientis, cumque ventriculi, intestinorum, lienis, pancreatis, & omentorum fluente mixti, atque ingens sane flumen efficientis, impetum frangendo; ut is per Hepar, arterioso more distributus, multa parte sui impetus perfrictiones, quas experitur ibidem, omissa, lentior per venas reduces in Venam Cavam rediret. Unde hocce viscus est tunc temporis tutelæ Auriculæ Dextræ Cordis præpositum, quæ tantæ sanguinis imminentis pressioni haud resistere valeret, nisi eam Hepar debilitaret *a*). In adulto Homine haud talem utilitatem manifestam habet; quum magna pars necessariæ illius in sanguinis impetu diminutionis absit, & totum jam illud, maxime venæ umbilicalis, flumen nunc siccum evadat. Hepar, quum admodum exiguis Nervis instructum sit; hinc ob eorundem miram forte parvitatem vix quidquam sentire videtur. Id quod experimenta a Cl. Viris *b*) in animalibus instituta, nec non morbi *c*) in ipsis Hominibus, ubi ulcus Hepatis substantiam, ægro ignaro & medico, occultum depascitur, manifesto demonstrant. Vulneratum aut inflammatum, ob pressionem, quam tunc temporis nervi a vasorum tritu evidentius experiuntur, modice dolere observatur. Nervis forte *d*) idtribuendum esse videtur, quod Homo ab uno in sede cardiæ ictu prosteratur.

§. XXVI.

Quantum jam nunc exposita hujusce visceris structura lucis in pathologicis affundat, paucis adhuc demonstrandum restat. Sane initio quidem fatendum est, plura hic subesse, quorum genuina indoles in cimmeriis adhuc latet tenebris. Nihilominus tamen pro comperto manet inter eruditos, Hepar esse fontem, unde tanquam e Pandoræ pyxide, innumerique gravissimi tam acuti, quam Chronici, prodeunt morbi. Horum morborum plurimi, sive ab Hepatis vasis obstructis, sive a Bile hepatica vitiata, aut in sanguinem refluxa originem

F 2

a) HALLER l. c. p. 619.

b) Idem oper. min. 120. 121. 122.

223. LA MOTTE chir. complett. obs. 59. |

c) BOERHAAV. morb. nerv. p. 496.

d) Art de faire les rapports. nouv. éd.

p. 591.

trahunt. Præ omnibus visceribus Hepar variis obstructionibus maxime obnoxium esse, ab omni tempore animadversum est. Fiunt autem hæ obstructiones, ubi Cavum vasculi materie congesta, heterogenea, justo spissiore, & tenaciore, mucosa, viscida, pingui, terrea, quæ transmitti nequit, ita repletum est, ut pervium esse desinat. Sive ubi parietum crassities æquabiliter aucta, aut intus prominens, a congestis in vasculis, aut interstitiis membranarum humoribus spissioribus, stagnantibus, scirrhis &c. cavitatem vasis minuit, aut plane tollit. Sive ubi potentia quædam externa, cedentia vasculorum latera introrsum urgens, diametro per gradus imminuta, tandem distantiam eorundem per mutuum intus contactum prorsus aufert. Sive denique ubi parietes vasculorum insita suarum fibrarum vi contractili, elastica, vitali, sua ostia arctant, imminuunt, & sensim sensimque parietibus in se coeuntibus, fibrisque aut distractis & obrigescentibus, aut ad se invicem adductis, penitus occludunt *a*). Præterea oritur quoque obstructio a nimia spissitudine humorum, cavis vasorum integris persistentibus, ubi ea permeare nequeant. Inde enim fit tardior per canales humorum motus atque transitus; hinc stagnatio, secretionum & excretionum impedimenta, infarctus, obstructio, Hepatitis. Omnes in Hepatis habitu occurrentium obstructionum species hic sigillatim recensere, vetat angustum chartæ spatium. Earum observationibus integri Cl. Virorum Libri *b*) pleni prostant.

a) H. D. GAÜBIUS *instit. pathol. med. Leid. Bat. 1763. p. 90.*

b) Super omnia viscera hepar scirrhis esse obnoxium LIEUTAUD *prax. med. p. 91. & precis. p. 416.* Hepar magnum, durum, plenum tuberculis lapideis DE HAEN *rat. med. T. IV. p. 90. V. p. 51.* STORCK. *ann. I. p. 132. 145. G. V. SWIETEN I. p. 855.* TISSOT *ep. p. 28. 29.* ossæ concretamenta DISDIER *conf. T. III. p. 105. 122. physiol. p. 41. 42.* Saxea durities TISSOT *ep. p. 28. 29.* Steatomata, collecto adipe restagnante STORCK. *I.*

p. 180. 134. II. p. 260. In diabethe frequentia esse steatomata MEAD. *pois. p. 33.* Hydatides sæpissime visæ DE HAEN *I. c. VII. p. 126.* membrana crassa cartilaginea V. SWIETEN *III. p. 88.* sanguis in hepate collectus E. *n. c. Vol. VIII. obs. 70. pus ad 6-8. libr. in hepate collectus LIEUTAUD I. c. p. 248.* Jecur intus sub pallido fuscum MORGAGN. *sed. caus. morb. XXXVI. 23.* maculis subalbis intus extraque distinctum XXXVIII. 6. XLVIII. 12. distinctum albis corporibus XXXVI. 2. — Fuscis quibusdam



Hæc obstructiones multo frequentius experiri cogerentur homines, nisi natura vasa ita disponderet, ut ultimi arteriarum venarumque fines inter se invicem, cumque singulis vasis seorsim communicationes alerent; quod summum semper in medendis hujusce visceris obstructionibus naturæ adminiculum est. Tales obstructiones, inquam, sæpe sæpius natura ipsa sublevat. Ubi presso & coarctato Hepatis habitu, impetus sanguinis continuo succedentis, admodum valida vi in obstructa vascula agit; aut ubi materies prorsus impacta hæret, anastomoses ramusculorum, quæ ubique præsto sunt, ne magis adhuc vasa infarciuntur, impediunt. Talium hujusce visceris obstructionum diagnosin adeo difficilem esse, ut sæpius Oedypo opus sit, qui eas indagare valeat; præprimis quum Hepar ob subtilitatem suorum nervorum minime ita sensibile deprehendatur, ac reliqua viscera.

§. XXVII.

Sicuti reliquos omnes corporis humani liquores, ita etiam Bilem ipsam propriis vitiis subjectam esse, quotidiana experientia loquitur. Bilem non legitimo tempore præsentem *a*), aut eandem nimis aquosam, & hinc inertem redditam, ob Hepatis obstructionem, calculosve, vesiculam felleam.

F 3

punctis XXXVI. 23. ex alba substantia & ligamento simili constans in dexterosi lobi parte LXVII. 11. cum albis scirrhis XXIX. 12. cum crebris tuberculis, quorum aliquot suppurata LI. 20. plenum steatomatibus XXX. 14. — Albis tumoribus XXXVIII. 28. — Substantia sub fiava, tenaci, subpurulenta XXXVI. 25. intus erodi incipiens XXXVI. 2. cum magno abscessu disrupto XXXVI. 4. Jecur durum I. 4. IV. 16. 24. 35. VI. 12. X. 11. 29. XIII. 3. XIV. 315 XVI. 34. XVIII. 25. XXI. 23. 24. 34. 49. XXII. 22. XXX. 12. 14. XXXVI. 2. 4. 23. 25. XXXVIII. 16. 20. 30. XLIV. 7. LVI. 7. Quasi elixum III. 4. XLV. 7. LVI. 17. sub cultro

stridens XXXVIII. 52. sinistro lobo laxo cum sphacelo XXIV. 25. — Inflammatum XXXIV. 12. 21.

His adde id quod vel in vulgus notissimum est. Hepata nimirum animalium, uti etiam humana, neglecto, aut demto motu animali, aut a nimia quiete & lauto victu, ob collectum ibi enormi in copia adipem, in immensam molem excrescere; indeque vires bilis necessario imminui. Et e contra, motu musculari excitato, jecoris obstructiones solvi, & hepar minus reddi, Exemplo Anserum.

a) Dominabatur acor in cadavere, cui nulla bilis adesset E. n. c. Vol. VIII. obs. 10.

replentes, myriadum ærumnarum causam esse, nec veteres *b)* latuit. Tali etenim in statu mox imperfecta ciborum mistio surgit, atque hinc in totum digestio læditur; dum alimenta ingesta ob nimis fluidiorem bilem, aut plane cruda *c)*, ac pro sua natura fermentationem ac putredinem experta eliminantur, Diarrhæas chylosas excitantia; aut ob defectum ejusdem dura & compacta *d)* reddita, constipationem segnitiei que alvi summam *e)* causentur, crassa que intestina ad egestionem naturalem haud apta reddant. Cibis itaque minime sufficienter coctis, oleo cum aqua non rite misto, non subacto *f)*, nec muco in gelatinosam lympham redacto, descendit pars tenuior in cellulosas telas *g)*, urinæ vias *h)*, inque varias Caveas corporis humani. Unde primum surgunt chyli vitia, dein occupat totum corpus aquosus languor *i)*, ob humores nimis tenues, valde meabiles, qui acri suo, partes, quas tangunt, simul irritant, rodunt, facili que e vasculis elapsu, diarrhæas, aliasve circulationis, nutritionis, secretionum & excretionum turbas inducunt. Hujuscemodi actionum naturalium, quibus necessariae ad vitam omnino coctiones, secretionesve perficiuntur, anomalam, quantum ad acrimoniam generandam, indeque reliquam humorum discrasiam inducendam, facere posse, quis non videt. Inde flatulentia, timpanites, ructus acidi, cardialgia, voracitas, bulimus s. fames canina, sitis summa, dolores & tormina ven-

b) Bilem esse causam morborum ARIST. *hist. anim.* L. III. c. 4. podagræ & calculorum, Pimelli de podagra p. 54. corruptelæ sanguinis BERINGER *disp.* Heidelberg. 1740.

c) Fæces albas fuisse supernatante pinguedine; medicamentis vero exhibitis, & calculo per annum expulso, fæces oleosas disparuisse HALLER.

d) Alvus pertinacissime pigrescit, quando ex quacunque causa bilis vel nulla advenit, vel justo debilior. Idem.

e) A calculis bilariis, obstructo ductu bilario, hepatis scirrho, abscessu, ictero, vulnere demum vesi-

culæ felleæ, nulla clysterum vi alvus liberari potuit. HALLER p. 610.

f) Caseosæ fæces infantum, albæque a non subacto oleo, & acidum spirantes HALLER l. c.

g) Lympha sanguinis effusa in interstitiis solidorum, vi distendente factis, in membrana cellulosa totius corporis, aut partium particularium, in cavis magnis parvisve accumulata, hydropem partialem, si non universalem, causatur.

h) Diabethem ex vitio bilis fieri MEAD *of pois* p. 33.

i) LIEUTAUD *ibid.* p. 91.

triculi, spasmī, febres ardentes, plenus & perfectus hydrops *k)*; & quis omnes inde oriundas ærumnas enumerare valeat? quibus tandem mors, tanquam ultimum solatium, coronidem imponit. Sed Bilis præter tenuitatem ac inertiam mucosam, aqueam, varias quoque spissitudinum & acritatum gradus contrahit; ubi terreas moleculas, salis interventu, per aquam solutas, nimis facile a se invicem fecedere sinit: hisque data opportunitate adunatis, calculosa concrementa, multismodis nociva deponit; præsertim stagnatione, æstu, motu vehemente, aut inordinato, corrupta; indeque diversas colorum mutationes, flavedine nativa varie aberrantes *l)*, producit; aut ita, bilariis viis obstructis, nimium collecta, vias suas nimis distendit, colicos dolores vehementissimos, sanguinis ad caput compulsionē, & ad mortem usque diras anxietates & vomitus excitat.

§. XXVIII.

Præterea, quum Bilis per se ipsam, & sua natura jam viscidior sit, quam reliqui omnes corporis humani liquores; eadem per ætatem & morbos adhuc magis viscida redditur. Inde dein, per rationes in antecedentibus dictas, abit in olei inspissati speciem, inque gluten. Spissior reddita, calculos, quæ forma, figura, colore, sapore *a)*, quam maxime variant, magna in copia producit. Dolorum, quos hi calculi bilarii causantur, ubi adsunt, sedes præprimis in ipso eorum calculorum per totum Ductus Choledochi tractum, & intestini duodeni initia, transitu, hæere videtur. Denique Bilis, quando sua diverticula, a natura sibi destinata, per

k) HOFFMANN. *med. conf.* T. II. D. V. c. 9. Bilis in cachecticis & hydropicis plerumque iners. LIEUTAUD *precis* l. c. aut pauca, aut omnino nulla HOFFMANN. *acid. viscid.* p. 9. 10.

Obiter hic notandum est, Hydroperem quoque oriri posse sano hepate persistente. Ubi 1) quacunque via sanguinis nimium amissum fuit. 2) Ubi scirrhus aliud præcipuum viscus occupat. 3) Ubi nimia venus s. convulsionē hysterice corpus debilitave-

rint. 4) Ubi vasa lymphatica a quacunque causa impedita fuerint succum resorptum revehere, &c.

l) GAUB. l. c. p.

a) HALLER T. VI. p. 565 - 570. MORGAGN. *sed. m.* III. 4. IV. 13. V. 19. XXI. 2. 30. 36. XXIV. 16. XXVI. 21. XXVII. 2. XXX. 14. XXXIV. 5. XXXV. 16. 18. XXXVI. 4. XXXVII. 28. 29. 30. XXXVIII. 20. XLIX. 2. LVI. 7. 9. 31. LVIII. 10. LXV. 13. LXVIII. 6.

quæ ordinario eliminari debeat, præterit, acrimonia sua *b*) sanguini nocet, massamque ejus totam conspurcando *c*) præter alia mala, producit quoque Icterus, morbum nempe, qui, quam omni ætati ac sexui sit frequens, nullum praxeos medicæ peritum latet. Hicce morbus regius oritur præcipue, ubi sive systema vasorum abdominalium ex nimio frigore constrictum est, ut totum sanguinem Venæ Portarum subito ad Hepar derivet; sive ubi alimenta, præcipue magis aquosa, in justo majori copia ingesta, nimiam in Hepar, inque vesiculam felleam pressionem exercent; sive ubi Bilis viæ in duodenum obstructæ sunt, ob calculos, Ductum Choledochum occupantes, aut ob duritiem Ductus Choledochi lapideam, aut ob tumorem aliquem externum, eundem ductum comprimantem; sive ubi Bilis ipsa, quando pertinax obstructio Ductum Choledochum clausit, calculusve viam ei ad intestinum præcluserit: aufugium quasi sibi quærens, de ipsa cystide fellea in Ductos Hepaticos Biliares, perque hos viam retrogradam petens, dilatatis sensim sensimque vasorum absorbentium osculis, per Vasa Lymphatica, & inde in Venæ Cavæ radículas in Hepar dispersas, denique ad sanguinis massam refluens, per universum corpus sese diffundit. Et primo quidem, quod sane mireris, adnatam oculi tunicam, flavedine sua inficit; tandem omnia membra conspurcat. Præterea huic ipsi morbo varii quoque animi affectus vehementiores, quales, ira, mæror profundior, terror &c. *d*), sæpius ansam

b) Bilem ictericis sæpe subsalsam, & vix amaram esse v. SWIETEN III. p. 107. Sudores frigidos & animi deliquia post vesiculæ vulnera supervenire. Idem T. III. p. 500. Idem confirmat historia chirurgi, cui manus intumuerint, & mors epileptica finem imposuit, dum bilis de vesicula effusæ aliquantum in digiti sui vulnusculum recepisset. Forte dum bilis summe acris & putrida fuerat. HALLER p. 614.

c) Hydropicis ascytide affectis color

ut plurimum flavus esse solet, ob nimis aquosam bilem, e ductu choledochi, lymphatica ac venosa resorbentia oscula copiose intrantem. MECKEL. l. c. p. 98.

d) MORGAGN. l. c. XI. 14. XXXVII. 3. 7. 9. 10. II. 33. 34. XLVIII. 60.

Bilis quoque motum accelerari in duodenum potissimum ex ira, quæ subitas quandoque alvi laxationes & diarrhæas salubri effectui excitat. HALLER.




ansam præbere solent. Denique in variis morbis, febribus, convulsione &c. Bilem præter naturam ad Hepar rediisse observationes loquuntur. Ex his evidenter apparet, Bilis regurgitationem in sanguinem non ex Vena Portarum fieri, neque ex obstructione hujus Venæ Icteri causam derivandam esse. Sed potius a resorptione Bilis jam præparatæ, & ex vesicula fellea per Ductum Biliarium Hepaticum via retrograda transvectæ, ibique jam varios corruptionis gradus passæ. Unde etiam haud raro obstructiones & scirrhi absque Ictero occurrunt. Et vicissim: sæpius Ictero præsentem, nulla Hepatis durities, aut obstructio reperitur. Retenta Bile sanguis non putrescit, nec alcalinus fit: sed tamen longi sequuntur morbi, quales a coagulo, lentore, acido aucto, suam originem trahere solent.

§. XXIX.

Epilogum claudenti pauca adhuc de Lympha peccante monenda mihi supersunt. Lymphæ per Vasa Lymphatica circulum multis sane premi difficultatibus, manifestum est. Certe, si consideres vasorum abdominalium nimiam expansionem, Venæ Cavæ insignem a sanguinis fluente turgescientiam, Diaphragmatis convulsivam contractionem, Glandularum conglobatarum indurationem, & nimiam intumescientiam, ut alias potentias silentio præteream; haud sane miraberis, refluxum Lymphæ per trunculos lymphaticos in Receptaculum chyli diversimode impediri posse. His si addes varias morbosas constitutiones, ordinarium Lymphæ cursum prohibentes; nec non naturalem illam causam, structuram præcipue horum vasculorum paulatim lædentem, cum ipsa hominis vita continuo crescentem, ejusque machinæ ruinam perpetuo minantem. Senium volo, quod tam perniciosam his vasculis præprimis destructionem inferre soleat; deprehendes omnino, quantus morborum incurabilium, e Lympha stagnante oriundorum, numerus esset; nisi benigna natura, mira plane vasorum resorbentium dispositione nostro visceri prospexisset, quæ, durante stagnatione, liquidum effusum resorbere, & ad communem sanguinis fontem reducere possent. Hinc etiam vides, quam utilis & necessarius sit cuivis Homini, ad talia incommoda evitanda, justus Animalis Motus, debitumque Vitæ Regimen.

Sed tempus jubet jam claudere rivos.

Lubens equidem fateor, multa hic addi, multa forte omitti potuisse. At nosti: nec semper, nec omnes, omnia posse.





T H E S E S.

- D**
- I.* *Plantæ non secus ac animalia vivunt.*
 - II.* *Omne vivum ex ovo.*
 - III.* *Proles fit ex genitura & ovo.*
 - IV.* *Omnis generatio antecedit partum.*
 - V.* *Generatio æquivoca in rerum natura nulla est.*
 - VI.* *Rudimentum fetus in utroque latet sexu.*
 - VII.* *Vermiculi in liquore seminali humano nulli sunt.*
 - VIII.* *Gemina plantæ est vegetabile integrum in compendium redactum.*
 - IX.* *Fructus sine floribus, & flores sine fructu non dantur.*
 - X.* *Morbi sæpius sibi contrariis curantur morbis.*
 - XI.* *Medicamenta agunt secundum odorem & saporem, exceptis nonnullis.*
 - XII.* *Animalia gustu & odoratu utilia a noxiis distinguere norunt.*
 - XIII.* *Scire nociva æque utile est, ac ea quæ profunt.*
 - XIV.* *Hepatis substantia tota intra peritonæum hæret.*
 - XV.* *Ductus hepatico - cystici in Hepate humano nulli sunt.*
 - XVI.* *Cystis fellea nullam propriam Bilem præparat.*
 - XVII.* *Bilis præcipuum est alimentorum menstruum.*
 - XVIII.* *Vasa lymphatica per totum corpus venarum absorbentium systema efficiunt.*
 - XIX.* *Fetum de liquore Amnii vix quicquam haurire credo.*
 - XX.* *Secundinas, Fetu in lucem edito, nisi facile de Utero solvantur, tempori potius ac naturæ committendas, quam adhibita vi de Utero abradendas esse puto.*
 - XXI.* *Methodus, manum in Vaginam inque Uterum ad quærendam Placentam, introducendi, minime mihi laudanda esse videtur.*
 - XXII.* *Vita ægra res omnium miserrima est; quippe cui mors ipsa ceu lucrum præferenda.*

Et hæc cedant ad DEI T. O. M. Gloriam Proximique salutem.



